

資治通鑑補

資治通鑑補卷第二百六十六

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

後列國紀二

丁晉李克用岐李茂貞淮南楊渥稱唐天祐四年西川王建稱唐
卯天復七年梁太祖朱晃開平元年是歲唐亡梁晉岐淮南西川
凡五國吳越錢鏐湖南馬殷荆南高季昌福建王審知嶺南劉隱凡五鎮
于貝州自滄州還休兵貝州且因縣博福鎮也淮南節度使兼侍中東面諸道行

營都統宏農郡王楊渥既得江西

謂并鍾匡時也

驕侈益甚謂節度判官

周隱曰君賣人國家何而復相見遂殺之

以隱言其不克負荷欲屬國於其威也事見上

卷天祐三年

由是將佐皆不自安黑雲都指揮使呂師周與副指揮使

蔡旌章將兵屯上高

上高在洪州高安縣界宋置上高縣屬筠州在州西南九十五里宋白曰上高縣本高安

縣之上鎮以地形高上故曰上高南唐昇元中立上高場保大十年升爲縣

初師周事武忠王

行密諡武忠

與湖南戰屢有功言三代將家不可休富貴每恣爲格酌醉必

起舞或擊節狂歌慷慨泣下武忠王聞而疑之密使人偵其動靜

師周不自安至是渥尤忌之師周懼謀於章曰馬公寬厚

謂馬殷也吉

欲逃死焉可乎章曰茲事君自圖之吾舌可斷不敢泄師周遂奔

湖南章縱其孥使逸去師周揚州人也渥居喪晝夜酣飲作樂然

十圍之燭以擊毬一燭費錢數萬或單騎出游從者奔走道路不

知所之左右牙指揮使張顥徐溫泣諫

蜀注曰牙者無名牙者因以名之分左右隊故稱

左右渥怒曰汝謂我不才何不殺我自爲之二人懼渥選壯士號

東院馬軍廣署親信爲將吏所署者恃勢驕橫陵蔑勳舊顥溫潛

謀作亂渥父行密之世有親軍數千營於牙城之內

蜀注曰古者軍行有牙尊

者所在後人因以所治渥遷出於外以其地爲射場顯溫由是無

所憚渥之鎮宣州也

天祐元年楊渥鎮宣州三年召爲嗣

命指揮使朱思勅范思從

陳璠將親兵三千及嗣位召歸廣陵顯溫使三將從秦裴擊江西

因戍洪州誣以謀叛命別將陳祐往誅之祐開道兼行六日至洪

州微服懷短兵徑入秦裴帳中裴大驚祐告之故乃召思勅等飲

酒祐數思勅等罪執而斬之渥聞三將死益忌顯溫欲誅之丙戌

渥晨視事顯溫帥牙兵二百露刃直入庭中渥曰爾果欲殺我邪

對曰非敢然也欲誅王左右亂政者耳因數渥親信十餘人之罪

曳下以鐵槌擊殺之

考異曰歐陽史四年正月渥視事陳璠等侍側顯溫擁牙兵入拽璠等下斬之渥不能止

由是失政接璠已死于

謂之兵諫

左傳鬻拳強諫楚子不從臨之以兵懼而從之遂自刎也張顯

徐溫以兵諫自文諸將不與之同者顯溫稍以法誅之於是軍政

悉歸二人渥不能制

為顯溫弒
張本

初梁王全忠以河北諸鎮皆服

惟幽滄未下故大舉伐之欲以堅諸鎮之心既而潞州內叛王燒營而還威望大沮恐中外因此離心欲速受禪以鎮之丁亥王入館於魏有疾卧府中羅紹威恐王襲之入見王曰今四方稱兵為王患者皆以翼戴唐室為名王不如早滅唐以絕人望王雖不許而心德之乃亟歸壬寅至大梁甲辰唐帝使御史大夫韋貽矩至大梁勞王貽矩請以臣禮見王揖之升階貽矩曰殿下功德在人三靈改卜

三靈天地人之靈也言天地人之心皆已去唐室改卜君而命之

皇帝方行舜禹之事

臣安敢違乃北面拜舞於庭王側身避之貽矩還言於帝曰元帥有受禪之意矣帝乃下詔以二月禪位於梁又遣宰相以誓諭王

王辭 河東兵猶屯長子欲窺澤州九城志長子西南至澤州一百四十里王命係

義節度使康懷貞悉發京兆同華之兵屯晉州以備之 二月唐

大臣其奏請帝遜位王子詔宰相帥百官詣元帥府勸進梁王建元帥府

于大梁王全忠遣使卻之於是朝臣藩鎮乃至湖南嶺南上牒勸

進者相繼 三月癸未梁王全忠以亳州刺史李思安為北路行

軍都統將兵擊幽州擊劉仁恭也庚寅唐帝詔辭貽矩再詣大梁諭

禪位之意又詔禮部尚書蘇循齋百官賡詣大梁 鎮海鎮東節

度使吳王錢鏐遣其子傳瓌傳瓘討廬佑於溫州并衣錦城為衣

錦軍 甲辰唐帝降御札禪位於梁考異曰實錄辭居正五代史唐餘錄皆云四月唐帝御札

敕宰臣張文蔚等開法駕奉迎梁朝而無日五代通錄云四月丁未丁未四月一日也舊唐書云三月甲辰甲辰三月二十七日也

唐年補錄三月二十七日甲子降此御札四月戊辰朱全忠即位尤為差誤按此年三月戊寅朔四月丁未朔今從舊唐書以

攝中書令張文蔚為冊禮使禮部尚書蘇循副之

冊禮使奉傳禮冊實押金吾仗

衛太常

攝侍中楊涉為押傳國寶使

唐有傳國八璽武后惡璽字改為寶其受命傳國八璽並

故勝

寶字翰林學士張策副之御史大夫薛貽矩為押金寶使

唐六典

人寶其用以玉其封以泥皇后

及太子之信曰寶其用以金 尚書左丞趙光逢副之帥百官備

法駕詣大梁

唐六典大駕備五輅五輅皆有副車又有前車記

四望車羊車黃鉞車豹尾車駕車一十有二若法駕則減五副輅白鸞辟惡安車四望車四分屬車一楊涉子直史

館凝式

貞觀三年置史館於門下省以它官兼領或卑位有才者亦以直館稱以宰相兼修撰天寶後它官兼史職者曰史

館修撰初入為直館元和元年宰相裴垍建議登朝領史職者為修撰以官高入判館事未登朝者為直館

言於涉曰

大人為唐宰相而國家至此不可謂之無過況手持天子璽綬與

人雖係官貴柰千載何益辭之

考異曰周岳五代史補曰凝式恐事泄即日作狂時謂之風子按周

世宗實錄凝式本傳仕梁未嘗有疾唐同光初知制誥始以心疾罷明宗時及清泰帝未俱以心恙罷官天福初致仕在洛有風子

之號非梁初作狂也今不收沙大駭曰汝滅吾族神色爲之不甯者數日盧

龍節度使劉仁恭驕侈貪暴常慮幽州城不固築館於大安山史

幽州西有名山曰大安山曰此山四面懸絕可以少制眾其棟宇壯麗擬於帝

者選美女實其中與方士鍊丹藥求不死悉斂境內錢瘞於山巔

令民間用堇泥爲錢堇泥黏土也又禁江南茶商無得入境自采山中

草木爲茶幣之仁恭有愛妾羅氏其子守光通焉仁恭杖守光而

斥之不以爲子數宴李思安引兵入其境所過焚蕩無餘夏四月

己酉直抵幽州城下仁恭猶在大安山城中無備幾至不守守光

自外引兵入登城拒守又出兵與思安戰思安敗退守光遂自稱

節度使令部將李小喜元行欽將兵攻大安山仁恭遣兵拒戰爲

小喜所敗虜仁恭以歸囚於別室仁恭將佐及左右凡守光素所

後梁開平元年

惡者皆殺之銀胡轅都指揮使王思同帥部兵三千胡轅山後室也

入軍巡檢使李承約帥部兵二千盧龍以爲檀新武四州爲山後奔河東守光弟

守奇奔契丹未幾亦奔河東爲劉守奇引河東兵伐燕弘本河東節度使晉王季

克用以承約爲匡霸指揮使思同爲飛騰指揮使思同母仁恭之

女也 梁王全忠始御金祥殿王溥五代會要梁受禪都大梁改正衙殿爲崇元殿東殿爲元德殿

內殿爲金祥殿萬歲堂爲萬歲殿門如殿名薛史曰梁自謂以金德王又以福建上獻鸚鵡諸州相繼上白鳥白兔白逆之合蒂

者以爲金行應運之兆故名殿曰金祥受百官稱臣此梁所自置百官也下書稱教令自稱曰

寡人辛亥令諸牋表簿籍皆去唐年號但稱月日丙辰張文蔚等

至大梁 盧佶聞錢傳璿等將至將水軍拒之於青澳青澳在溫州東北海

中俗謂之青澳門由青澳門而進舟則錢傳璿曰佶之精兵盡在

入溫州其外則大洋也海之隈厓曰澳 於此不可與戰乃自安固捨舟開道襲溫州安固後漢之章安也戊午溫州

潰擒信斬之

天祐二年盧信陷
溫州至是敗亡

吳王錢鏐以都監使吳璋爲溫州

制遣使命傳璚等移兵討盧約於處州

壬戌梁王全忠更名晃

王兄全昱聞王將卽帝位謂王曰朱三爾可作天子乎甲子張文

蔚楊涉乘輅自上源驛從冊寶諸司各備儀衛鹵簿前導百官從

其後

此唐之
百官

至金祥殿前陳之王被袞冕卽皇帝位張文蔚蘇循

奉冊升殿進讀楊涉張策辭貽矩趙光逢以次奉寶升殿讀已降

帥百官舞蹈稱賀梁主晃遂與文蔚等宴於元德殿梁主舉酒曰

朕輔政未久此皆諸公推戴之力文蔚等慙懼俯伏不能對獨蘇

循辭貽矩及刑部尙書張禕盛稱梁主功德宜應天順人梁主復

與宗戚飲博於宮中酒酣朱全昱忽以投瓊擊盆中迸散

鮑宏博
經曰楚

辭毗蔽象墓有六博現蔽玉箸也各拔六箸行六墓故云六博用

十二墓六墓白六墓黑所擲頭謂之項項有子牙刻低一畫者謂

之盛刻爲兩黃者謂之白刻爲三黃謂之黑不刻者五塞之開謂之五塞據歐史此所謂投壘即骰子也考異曰王仁裕玉堂閒話曰骰子數隨廣王全昱忽駐不擲顯而白梁祖再呼朱三梁祖動容廣王曰你愛它爾許大官職久遠家族得安否於是大怒擲數日不止今從王禹偁五代史闕文

睨梁主曰朱三汝本碭山一

民也從黃巢爲盜天子用汝爲四鎮節度使富貴極矣奈何一旦

滅唐家三百年社稷自稱帝王行當族滅奚以博爲梁主不懌而

擢全昱自是不樂居大梁常居碭山故里乙丑命有司告天地宗

廟社稷丁卯遣使宣諭州鎮戊辰大赦

考異曰梁實錄編遺錄薛史唐餘錄皆不云大赦今

從歐陽史

改元開平國號大梁奉唐帝爲濟陰王

曹州濟陰郡

皆如前代故

事唐中外舊臣官爵竝如故以汴州爲開封府命曰東都以故東

都爲西都廢故西京以京兆府爲大安府置佑國軍於大安府

唐

長安爲西京洛陽爲東京今梁鄆大梁在洛陽之東遷濟陰王於故以洛陽爲西都大梁爲東都而以長安爲大安府

曹州梅之以棘

用左傳語
梅開也

使中士守之

辛未梁以武安節度使

馬殷爲楚王

梁以宣武掌書記太府卿敬翔知崇政院事

梁崇政院

卽唐樞密院之職後遂
廢樞密院入崇政院

以簡顧問參謀議於禁中承旨宣於宰相

而行之宰相非進對時有所奏請及已受旨應復請者皆具記事

因崇政院以聞得旨則復宣於宰相翔爲人沈深有智略在幕府

二十餘年軍謀民政梁主晃一以委之翔盡心勤勞晝夜不寐自

言惟馬上乃得休息梁主性暴戾難近人莫能測惟翔能識其意

趣或有所不可翔未嘗顯言但俯仰顧步間微示持疑而梁主意

已悟多爲之改易禪代之際翔謀居多

梁主晃追尊高祖考黯

爲肅祖宣元皇帝妣范氏宣僖皇后曾祖茂琳爲敬祖光獻皇帝

妣楊氏光孝皇后祖信爲憲祖昭武皇帝妣劉氏昭懿皇后考誠

爲烈祖文穆皇帝妣王氏爲文惠皇后 初梁主昱爲四鎮節度使凡倉庫之籍置建昌院以領之至是以養子宣武節度副使友文爲開封尹判院事掌凡國之金穀友文本康氏子也 乙亥梁主昱下制削奪李克用官爵初克用稱天復年號及唐滅改稱天祐時惟鳳翔淮南與河東同稱天祐西川仍稱天復餘皆稟梁正朔稱臣奉貢 蜀王王建與宏農王楊渥移檄諸道云欲與岐王晉王會兵興復唐室卒無應者蜀王乃謀稱帝下教諭統內吏民又遣晉王季克用書云請各帝一方俟朱溫旣平乃訪唐宗室立之退歸藩服晉王復誓不許曰誓於此生靡敢失節 唐末之誅宦官也詔書至河東晉王季克用匿監軍張承業於斛律寺斬罪人以應詔 見二百六十四卷唐昭宗天復三年斛律寺蓋高齊建武廟於晉陽斛律氏貴盛時初立 至是復以

爲監軍待之加厚承業亦爲之竭力 岐王李茂貞治軍甚寬待

士卒簡易有告部將符昭反者茂貞直詣其家悉去左右熟腹經

宿而還由是眾心悅服然御軍無紀律設武事不振及唐亡諸侯

之彊者皆相次稱帝而茂貞獨不敢但開岐王府置百官名其所

居爲宮殿妻稱皇后將吏上書稱牋表鞭扇號令多擬帝者

鞭扇 鞭尾弱也唐制天子視朝從禁中出則鳴鞭傳警既 晉以地狹賦

薄下令椎油因禁城門無內松薪以其可爲炬也有優者謂之曰

臣請并禁明月茂貞笑而不怒 鎮海節度判官羅隱在唐時恃

才傲物爲忌者所摺契闊東歸淪落貧困及黃寇平朝廷議欲官

之宰相韋貽範沮之曰某嘗與之同舟猶未相識舟人指予而告

之曰此朝官也隱曰是何朝官我腳夾筆可以敵得數輩其輕肆

如此今若登科通籍則吾徒爲糠粃矣由是不得登朝而爲鎮海
幕僚至是說吳王錢鏐舉兵討梁曰縱無成功猶可退保杭越自
爲東帝奈何交臂事賊爲終古之差乎鏐始以隱爲不遇於唐必
有怨心及聞其言雖不能用心甚發之 五月丁丑朔梁以唐相
張文蔚楊涉爲門下侍郎御史大夫薛貽矩爲中書侍郎並同平
章事 梁加武順節度使趙王王鎔守太師天雄節度使鄴王羅
紹威守太傅義武節度使王處直兼侍中 契丹主耶律阿保機
遣其臣袍笏梅老通好於梁梁遣太府少卿高順報之是歲阿保
機帥眾三十萬寇雲州晉王李克用與之連和面會東賊約爲兄
弟延之帳中縱酒握手盡歡約以今冬共擊梁 考異曰唐太祖紀
年錄太祖以河保
懷族黨稍盛召之天祐二年五月河保懷族領其部族三十萬至
州東城帳中言事握手甚歡約爲兄弟旬日而去帶男婦都舍利

首領沮東梅爲質約冬初大舉渡河反正會昭宗遇盜而止歐陽
史曰梁將唐晉王李克川使人聘于契丹河係漢以兵三十萬
會克川於雲州東城握手約爲兄弟期共舉兵擊契丹雲州之會
莊宗列傳詳史皆在天祐四年而紀年錄獨在天祐二年又云約
今年冬同收汴洛會昭宗遇盜而止如此則應在天祐元年昭宗
崩以前不應在二年也且昭宗遇盜則尤宜與兵討之何故止也
唐室爲賊臣所篡此乃四年語也其冬武皇寢疾蓋以此不果出兵耳今從之或勸晉王因其來可擒也
王曰讎敵未滅而失信夷狄自亡之道也阿保機留旬日乃去晉
王贈以金綵數萬阿保機留馬三千匹雜畜萬計以酬之阿保機
歸而背盟更附於梁晉王由是恨之己卯梁以河南尹兼河陽
節度使張全義爲魏王鎮海鎮東節度使吳王錢鏐爲吳越王加
清海節度使劉隱威武節度使王審知兼侍中仍以隱爲大彭王
客有勸鏐拒梁命者鏐笑曰吾豈失爲孫仲謀耶遂受之梁主晃
問其進奏吏曰錢王亦何好吏對曰好玉帶名馬梁主笑曰眞英

雄也乃以玉帶一匣打毬御馬十匹賜之 癸未梁以樞知荆南

留後高季昌為節度使荆南舊統八州 荆歸夔忠萬 乾符以來

寇亂相繼諸州皆為鄰道所據獨餘江陵季昌到官城邑殘毀戶

口彫耗季昌安集流散民皆復業 乙酉梁主晁立兄全昱為廣

王子友文為博王友珪為郢王友璋為福王友貞為均王友雍為

賀王友微為建王 辛卯梁以東都舊第為建昌宮改判建昌院

事為建昌宮使 薛史曰初帝創業之時以四鎮兵馬倉庫籍繁總

因置建昌院以領之至是改為宮蓋重其事也宋 白日是年中書門下奏改判建昌院事為

建昌宮使仍請在京上舊邸為建昌宮 壬辰梁命保義節度

使康懷貞將兵入萬會魏博兵攻潞州 皮晉李將 甲午梁主晃

下詔廢樞密院其職事皆入於崇政院以知院事故翔為院使初

梁主破徐州得時溥寵姬劉氏愛幸之劉氏故尚讓女也後以妻

翔翔已貴劉氏猶侍梁主出入臥內如平時翔頗嫌之劉氏謂翔曰爾以我嘗失身於賊乎尙讓黃家宰相時溥國之忠臣以卿門第猶爲辱我請從此訣矣翔以梁主故謝而止之劉氏車服奢侈別置典謁交結藩鎮權貴往往附之寵信言事不下於翔當時貴家往往效之

梁禮部尙書蘇循及其子起居郎楷自謂有功於

梁

唐昭宣帝天祐二年蘇循鼓成禪代之事故自以爲有功

當不次擢用循且朝夕望爲相而

梁主晃雄猜鑒物自楷上議駁昭宗諡遂薄其爲人敬翔及殿中

監李振亦鄙之翔言於梁主曰蘇循唐之鳴梟貴國求利不可以

立於惟新之朝戊戌詔循及刑部尙書張禕等十五人竝勒致仕

楷斥歸田里循父子乃之河中依朱友謙 梁主晃徵唐禮部員

外郎司空圖爲禮部尙書不起

盧約以處州降吳越

唐宗中和元年盧約

據處

宏農王楊渥以鄂岳觀察使劉存爲西南面都招討使岳

州刺史陳知新爲岳州團練使廬州觀察使劉威爲應援使別將

許元應爲監軍將水軍三萬以擊楚楚王馬殷甚懼靜江軍使楊

定眞賀曰我軍勝矣殷問其故定眞曰夫戰懼則勝驕則敗今淮

南兵直趨吾城是驕而輕敵也而王有懼色吾是以知其必勝也

殷命在城都指揮使秦彥暉在城都指揮使盡統潭州在城之兵將水軍三萬浮江

而下水軍副指揮使黃璠帥戰艦三百屯瀏陽口吳分長沙道瀏陽縣廢景龍

二年於故城復置焉潭州九域志縣在州東北一百六十里水

經注湘水北過漢陽湘縣西瀄水從縣西北流注之有瀏口戍大

月存等遇大雨引兵還至越堤北彥暉追之存數戰不利乃遣殷

書詐降彥暉使謂殷曰此必詐也勿受存與彥暉夾水而陳存遙

呼曰殺降不祥公獨不爲子孫計邪彥暉曰賊入吾境而不擊奚

顧子孫鼓譟而進存等走黃璠自瀏陽絕江與彥暉合擊大破之

執存及知新裨將死者百餘人士卒死者以萬數獲戰艦八百艘

威以餘眾遁歸彥暉遂拔岳州

陳知新取岳州見上卷上年

殷釋存知新之縛

恩諭之二人皆罵曰丈夫以死報主同事賊乎遂斬之許元應

之腹心也常預政事張顥徐溫因其敗收斬之楚王馬殷遣兵

會吉州刺史彭玕攻洪州不克

彭玕附楚見上卷唐昭宣帝天祐三年

梁康懷貞

至潞州晉昭義節度使李嗣昭副使李嗣弼閉城拒守懷貞晝夜

攻之半月不克乃築壘穿蚰蜒塹而守之內外斷絕晉王李克用

以蕃漢都指揮使周德威爲行營都指揮使帥馬軍都指揮使李

嗣本馬步都指揮使李存璋先鋒指揮使史建瑭鐵林都指揮使安

元信

五季之世諸鎮各有都指揮使而命官之職分有不同者如周德威蕃漢都指揮使則蕃漢之兵皆受指揮也行營都指

後梁開平元年

節使則行營兵皆受指揮使也鐵林都指揮使安元信橫衝指揮使則鐵林軍之都指揮使耳讀史者宜各以義類推之

李嗣源騎將安金全救潞州嗣弼克修之子克修晉王之弟嗣本本姓張

建塘敬忠之子史敬思見二百五十五卷唐僖宗中和四年金全代北人也晉兵攻

澤州攻澤州以擬梁主晃遣左神勇軍使范居實將兵救之甲

寅梁以平盧節度使韓建守司徒同平章事武貞節度使雷彥

恭會楚兵攻江陵荆南節度使高季昌引兵屯公安公安漢縣漢末劉備屯於此改名公安唐屬江陵府九域志在府南九十里絕其糧道彥恭敗楚兵亦走存疑通鑑於天

復元年書武貞節度使雷滿卒子彥威自稱雷後於天復三年書武貞節度使雷彥威陷江陵是承襲武貞節度者本是彥威矣乃

至是又忽易彥威為彥恭以後皆書彥恭是謂彥威彥恭為兩人矣然詳考舊唐書本紀陷江陵者書彥恭不書彥威通鑑之書彥

威蓋據新店書本紀而書之也然五代史雷滿傳則又云滿卒子彥恭自立則彥威彥恭本是一人史家互書之誤耳本宜通改彥

威為彥恭則前後方為合一但新書於天復三年書彥威弟彥恭陷江陵則明謂彥恭是彥威之弟矣故不敢妄改兩存之以俟後

之君子但新唐書與五代史同出歐陽公之手不知何以相左若是則彥威彥恭果是兩人亦當於兄終弟及之際明著其年立年月而何竟沒沒也況通鑑於昭江陵下書彥威救晉陵忍有父風常泛舟焚掠鄰境荆鄂之盟殆至無人至是年九月公安之戰則又云彥恭貪殘類其父專以焚掠為事荆湖間常被其患則本是一人之事誤於前後重複書之耳彥威彥恭之為一人顯然無疑也新唐書分作 劉守光既囚其父自稱盧龍節度使如梁請

命秋七月甲午梁以守光為盧龍節度使同平章事 靜海節度

使曲承裕卒丙申梁以其子權知留後顯為節度使 雷彥恭攻

楚岳州不克

雷彥恭既與楚攻荆南尋又攻楚岳州可以見其反覆矣

八月丙午梁主晃賜

河南尹張全義名宗爽

帝舊名全忠故更全義名宗爽

辛亥梁以吳越王錢鏐

兼淮南節度使楚王馬殷兼武昌節度使各充本道招討制置使

欲使兩浙湖南攻宏農王楊

晉周德威壁於高河

高河在潞州屯留縣東南

梁康懷貞遣親騎都頭秦武將兵擊之武敗丁巳梁主晃以亳州

刺史李思安代懷貞爲潞州行營都統黜懷貞爲行營都虞候思

安將河北兵西上

上黨地高在河北諸鎮之西故曰西上

至潞州城下更築重城內

以防奔突外以拒援兵謂之夾寨調山東民饋軍糧德威日以輕

騎抄之思安乃自東南山口築甬道屬於夾寨德威與諸將互往

攻之排牆填塹一晝夜閒數十發梁兵疲於奔命夾寨中出蜀牧

者德威輒抄之於是梁兵閉壁不出九月雷彥恭攻洛陽公安

九域志江陵府公安縣有峽關鎮

高季昌擊敗之彥恭貪殘類其父

雷彥恭蒲之子也

專

以焚掠爲事荆湖閒常被其患又附於淮南丙申梁主冕詔削彥

恭官爵命季昌與楚王馬殷討之

是歲正月蜀人見青城山

六月鳳皇見萬歲縣黃龍見嘉陽江而諸州皆言甘露白鹿白雀

龜龍之瑞蜀主王建遂會將佐議稱帝皆曰大王雖忠於唐唐已

亡矣此所謂天與不取者也馮涓獨獻議請以蜀王稱制曰朝興

則未爽稱臣賊在則不同爲惡王不從涓杜門不出

馮涓馮王用

安撫副使掌書記韋莊之謀帥吏民哭三日己亥卽皇帝位

考異曰莊

宗列傳太祖祚代建自帝於成都年號武成薛史唐餘錄天祐五年九月建自帝於成都年號武成九國志此年七月卽皇帝位明年改元宋庠紀年通鑑天祐四年秋嗣帝次年改元歐陽史十國紀年天復七年九月卽位明年改元今從之國號大蜀

辛丑以前東川節度使兼侍中王宗佶爲中書令韋莊爲左散騎

常侍判中書門下事閬州防禦使唐道襲爲內樞密使莊見素之

孫也

韋見素天寶之末爲相

蜀主雖目不知書好與書生談論粗曉其理是

時唐衣冠之族多避亂在蜀蜀主禮而用之使修舉故事故其典

章文物有唐之遺風蜀主長子校書郎宗仁幼以疾廢立其次子

祕書少監宗懿爲遂王冬十月高季昌遣其將倪可福會楚將

資治通鑑卷一百一十五 後梁開平元年

秦彥暉攻朗州雷彥恭遣使乞降於淮南且告急宏農王楊渥遣

將冷業將水軍屯平江

平江縣本漢羅縣地後漢分立漢昌縣孫吳立漢昌郡後又為吳昌縣隋省唐神龍

元年分湘陰置昌江縣屬岳州五代改曰平江蘇後唐既滅梁楚人為之諱炳諱昌字也九域志平江縣在岳州東南二百五十七

里李饒將步騎屯瀏陽以救之楚王馬殷遣岳州刺史許德勳將

兵拒之冷業進屯朗口

朗水西南自辰錦州入朗州界經州城入大江謂之朗口

德勳使善游

者五十人以木枝葉覆其首持長刀浮江而下夜犯其營且舉火

業軍中驚擾德勳以大軍進擊大破之追至鹿角鎮擒業又破瀏

陽寨擒李饒掠上高唐年而歸

唐大寶二年開山洞置唐年縣屬鄂州

斬業饒於長

沙市十一月甲申梁夾馬指揮使尹皓攻晉江豬嶺寨拔之

梁

都有夾馬營江豬嶺在鄂州長子縣西北路達鵝窠嶺

義昌節度使劉守文聞其弟守光

幽其父集將吏大哭曰不意吾家生此梟獍

梟不孝鳥也食母獍惡獸也食父

吾

生不如死誓與諸君討之乃發兵擊守光互有勝負天雄節度使

鄴王羅紹威謂其下曰守光以窘急歸國

謂上七月劉守光遣使請命也

守文孤

立無援滄州可不戰服也乃遣守文書諭以禍福守文亦恐梁乘

虛襲其後戊子遣使請降于梁以子延佑爲質梁主昇拊手曰紹

威折簡勝十萬兵加守文中書令撫納之初梁主是在藩鎮用

法嚴將校有戰沒者所部兵悉斬之謂之跋隊斬士卒失主將者

多亡逸不敢歸梁主乃命凡軍士皆文其面以記軍號軍士或思

鄉里逃去關津輒執之送所屬無不死者其鄉里亦不敢容由是

亡者皆聚山澤爲盜大爲州縣之患壬寅詔赦其罪自今雖文面

亦聽還鄉里盜減什七八淮南右都押牙米志誠等將兵度淮

襲梁潁州克其外郭刺史張實據子城拒守晉王李克用命李

存瑋攻梁晉州以分上黨兵勢 十二月壬戌梁主晃詔河中陝

州發兵救之甲子梁發步騎五千救潁州米志誠等引去 丁卯

晉兵攻梁洛州 淮南兵攻信州刺史危仔倡求救於吳越

戊晉岐淮南稱唐天祐五年梁開平二年蜀高祖王建武成元年
夏是歲西川稱蜀兒五國引兵晉李克用卒子存勖嗣淮南楊廷
後弒弟春正月癸酉蜀主王建登興義樓有僧挾一目以獻蜀

主命飯僧萬人以報之翰林學士張格曰小人無故自殘赦其罪

已幸矣不宜復崇獎以敗風俗蜀主乃止 丁丑蜀以韋莊為門

下侍郎同平章事 辛巳蜀主王建祀南郊壬午大赦改元武成

晉王李克用疽發於首病篤周德威等退屯亂柳亂柳在潞州
屯蒲縣界

晉王命其弟內外蕃漢都知兵馬使振武節度使克膺監軍張承

業大將李存瑋吳珙掌書記盧質立其子晉州刺史存勖為嗣曰

此子志氣遠大必能成吾事爾曾善教導之辛卯晉王謂存勗曰

嗣昭尼於重圍

謂李嗣昭爲累兵圍於壽州也

吾不及見矣俟葬畢汝與德威輩

速竭力救之又謂克甯等曰以亞子累汝言終而卒

年五十二

亞子存

勗小名也克甯久總兵柄有次立之勢時上黨圍未解軍中以存

勗年少多竊議者人情怵怵存勗懼以位讓克甯克甯曰汝冢嗣

也且有先王之命誰敢違之綱紀軍府中外無敢喧譁將吏欲謁

見存勗存勗方哀哭久未出張承業入謂存勗曰大孝在不墜墓

業多哭何爲因扶存勗出襲位爲河東節度使晉王李克甯首帥

諸將拜賀王悉以軍府事委之以李存璋爲河東軍城使馬步都

虞候克用多寵借胡人故軍士每侵擾市肆存璋既領職執其尤

暴橫者戮之旬月間城中肅然吳越王錢鏐遣兵攻淮南甘露

鎮以救信州

蜀中書令王宗佶於諸假子爲最長

王宗佶本姓甘王建爲忠

武軍卒掠得之贊以爲子及長爲將數有功

且恃其功專權驕恣唐道襲已爲樞密使

宗佶猶以名呼之道襲心銜之而事之逾謹宗佶多樹黨友蜀主

王建亦惡之二月甲辰以宗佶爲太師罷政事

見王宗佶見殺張本

蜀以

戶部侍郎張格爲中書侍郎同平章事格爲相多迎合主意有勝

己者必以計排去之

爲張格亂蜀張本

初晉王璽克用多養軍中壯士

爲子寵遇如眞子及存勗立諸假子皆年長握兵心快快不伏或託疾不出或見新王不拜李克甯權位既重人情多向之假子李存顯陰說克甯曰兄終弟及自古有之以叔拜姪於理安乎天與不取後悔無及克甯曰吾家世以慈孝聞天下先王之業苟有所歸吾復何求汝勿妄言我且斬汝克甯妻孟氏素剛悍諸假子各

遣其妻入說孟氏孟氏以爲然且慮語泄及禍數以迫克甯克甯

性怯朝夕感於眾言心不能無動且與張承業李存璋相失數相

誚讓又因事擅殺都虞候李存質又求領大同節度使以蔚朔應

州爲巡屬

唐末置應州鎮金城縣源二縣

晉王皆聽之李存顯等爲克甯謀因晉

王過其第殺承業存璋奉克甯爲節度使舉河東九州附于梁

河東

領并遠沁汾石執晉王及太夫人曹氏送大梁太原人史敬鎔少

事晉王克用居帳下見親信克甯欲知府中陰事召敬鎔密以謀

告之敬鎔陽許之入告太夫人太夫人大駭召張承業指晉王謂

之曰先王把此兒嘗授公等如聞外閒謀欲負之但置吾母子有

地勿送大梁自它不以累公承業惶恐曰老奴以死奉先王之命

此何言也晉王以克甯之謀告且曰至親不可自相魚肉吾苟避

位則亂不作矣承業曰克甯欲投大王母子於虎口不除之豈有
全理乃召李存璋吳琪及假子李存敬長直軍使朱守殷使陰爲
之備壬戌置酒會諸將於府舍伏甲執克甯存顯於座晉王流涕
數之曰兒輩以軍府讓叔父叔父不取今事已定柰何復爲此謀
忍以吾母子遺仇讎乎克甯曰此皆讒人交構夫復何言是日殺
克甯及存顯晉王德張承業以兄事之每至其第升堂拜母賜遺
甚厚 癸亥梁主晃飢殺濟陰王於曹州追謚曰唐哀皇帝年十七
于濟陰縣唐禮部員外郎司空閻聞之不食而卒 甲子蜀兵入
歸州歸州州南巡屬地不曰入執刺史張瑋 辛未梁以韓建爲
侍中兼建昌宮使 梁李思安等攻潞州久不下士卒疲弊多逃
亡晉兵猶屯余吾寨前漢書地理志上黨郡有余吾縣章懷太子
子賢曰余吾故城在潞州屯雷縣西北 梁

主冕疑晉王克用詐死欲召兵還恐晉人躡之乃議自至澤州應
接歸師且召匡國節度使劉知俊將兵過澤州三月壬申朔梁主
發大梁丁丑次澤州辛巳劉知俊至壬午以知俊爲潞州行營招
討使 癸巳梁門下侍郎同平章事張文蔚卒唐昭宗時文蔚爲
翰林學士承旨是時天子微弱制度已廢文蔚在翰林制詔四方
御守大體其居家亦以孝弟聞 梁主冕以李思安久無功亡將
校四十餘人士卒以萬計更閉壁自守遣使召詣行在甲午削思
安官爵勒歸本貫充役斬監押楊敏貞晉李嗣昭固守踰年前年
月李嗣昭入潞州去年五月康懷貞始攻之至夾寨破則是年五月也城中資用將竭嗣昭登城宴
諸將作樂流矢中嗣昭足嗣昭密拔之座中皆不覺梁主數遣使
賜嗣昭詔諭降之嗣昭焚詔書斬使者梁主畱澤州旬餘欲召上

黨兵還遣使就與諸將議之諸將以爲李克用死余吾兵且退上

黨孤城無援請更留旬月以俟之梁主從之命增運芻糧以饋其

軍劉知俊將精兵萬餘人擊晉軍斬獲甚眾表請自畱攻上黨軍

駕宜還京師梁主以關中空虛慮岐人侵同華

岐人謂李茂貞之兵

命知俊

休兵長子旬日退屯晉州俟五月歸鎮蜀太師王宗佖既罷相

怨望陰畜養死士謀作亂上表以爲臣官預大臣親則長子國家

之事休戚是同今儲貳未定必生厲階陛下若以宗懿才堪繼承

宜早行冊禮以臣爲元帥兼總六軍儻以時方艱難宗懿冲幼臣

安敢持謙不當重事陛下既正位南面軍旅之事宜委之臣下臣

請開元帥府鑄六軍印征戍徵發臣悉專行太子視膳於晨昏微

臣握兵於環衛萬世基業惟陛下裁之蜀主王建怒隱忍未發以

問唐道襲對曰宗佶威望內外懾服足以統御諸將蜀主益疑之

己亥宗佶入見辭色悻慢蜀主諭之宗佶不退蜀主不堪其忿命

衛士撲殺之貶其黨御史中丞鄭騫爲維州司戶衛尉少卿李綱

爲汝川尉

汝川漢綿鹿地晉置汝川縣唐屬茂州九域志在州南一百里玉嶺山石紐山皆在縣界

皆賜死于

路初晉王季克用卒周德威握重兵在外國人皆疑之晉王存

勛召德威使引兵還夏四月辛丑朔德威至晉陽留兵城外獨徒

步而入伏先王櫬哭極哀退謁嗣王禮甚恭眾心由是釋然癸

卯梁門下侍郎同平章事楊涉能爲右僕射以吏部侍郎于兢爲

中書侍郎翰林學士承旨張策爲刑部侍郎竝同平章事兢琮之

兄子也

于琮見唐宣紀舊紀

梁夾寨奏余吾晉兵已引去梁主見以援兵

不能復來潞州必可取丙午自澤州南還壬子至大梁梁兵在夾

寨者亦不復設備晉王季存勸與諸將謀曰上黨河東之藩蔽無

上黨是無河東也潞州上黨郡且朱溫所憚者獨先王耳聞吾新立以

為童子未閑軍旅必有驕怠之心若簡精兵倍道趨之出其不意

破之必矣取威定霸在此一舉不可失也張承業亦勸之行乃遣

承業及判官王緘乞師於鳳翔岐王李茂貞據鳳翔又遣使賂契丹王耶律

阿保機求騎兵岐王裴老兵弱財竭竟不能應晉王大閱士卒以

前昭義節度使丁會為都招討使丁會以潞州降晉見二百六十五卷唐昭宣帝天祐三年甲

子帥周德威等發晉陽淮南遣兵攻梁石首唐武德四年分華容縣置石首縣

縣北石首山而名屬江陵府九域志在府東南二百里孫鑑曰自安陸至竟陵兩驛皆平地南至大江並無邱陵之阻度江至石首

始有淺山謂之竟陵陵至此而襄州兵敗之於澆港澆音又遣其

將李厚將水軍萬五千趣荆南高季昌逆戰敗之於馬頭荆南治江陵在

江西南昌馬頭岸正對沙市

己巳晉王季存勳軍於黃眼距上黨四十五里

黃眼鄉在潞州路城縣○破音展

初克用破孟方立于邢州還軍上黨置酒三坐

岡伶人奏百年歌至千衰老之際聲辭甚悲坐上皆悽愴時存勳在側方五歲克用慨然將鬚指而笑曰吾行老矣此奇兒也後二十年其能代吾戰於此乎及是存勳行至三坐岡歎曰此先王置酒處也爲之悲慟五月辛未朔晉王伏兵三坐岡下

三坐岡在屯留縣東南

詰旦大霧進兵直抵夾寨梁軍無斥候不意晉兵之至將士尙未起軍中驚擾晉王命周德威李嗣源分兵爲二道德威攻西北隅嗣源攻東北隅塹塹燒寨鼓譟而入梁兵大潰南走招討使符道昭馬倒爲晉人所殺死亡將校士卒以萬計委棄資糧器械山積周德威等至城下呼李嗣昭曰先王已薨今王自來破賊夾寨賊

已去矣可開門嗣昭不信曰此必爲賊所得使來誑我耳欲射之
左右止之嗣昭曰王果來可見乎王自往呼之嗣昭見王白服大
慟幾絕城中皆哭遂開門初德威與嗣昭有隙晉王克用臨終謂
存勗曰進通忠孝吾愛之深今不出重圍豈德威不忘舊怨邪汝
爲吾以此意諭之若潞圍不解吾死不瞑目進通嗣昭小名也存
勗以告德威德威感泣由是戰夾寨甚力旣與嗣昭相見遂歡好
如初梁康懷貞以白餘騎自天井關遁歸梁主晃聞夾寨不守大
驚旣而歎曰生子當如李亞子克用爲不亡矣至如吾兒豚犬耳
詔所在安集散兵周德威季存璋乘勝進趣澤州刺史王班繫失
人心眾不爲用龍虎統軍牛存節自西都將兵應接夾寨潰兵龍
軍部唐龍武軍號梁受唐禪改武爲虎王溥五代會要曰開平
元年四月改左右長直爲左右龍虎軍又梁以洛陽爲西都至

天井關謂其眾曰澤州要害地不可失也雖無詔旨當救之眾皆

不欲曰晉人勝氣方銳且眾寡不敵存節曰見危不救非義也畏

敵疆而避之非勇也遂舉策引眾而前策馬至澤州城中人已縱

火誼譟欲應晉王班閉牙城自守存節至乃定考異曰歐陽史云

潞州為右營排陳使晉兵已破夾城存節以餘兵歸行至天井關

聞晉兵攻澤州而救之梁列傳澤州將陷河南尹張宗爽召龍虎

統軍牛存節謀之存節帥本軍及右神武羽林等軍往應接上黨

回師至天井關即引眾前救澤州薛史亦同按存節若自夾城遁

歸則先過澤州後至天井關豈得已晉兵尋至緣城穿地道攻之

過而返救之也今從梁列傳及薛史

存節晝夜拒戰凡旬有三日劉知俊自晉州引兵救之先是命劉

晉州九域志晉州東南至澤州三百一十里德威焚攻具退保高平高平漢並州縣地

屬澤州九域志在州東北八十三里考異曰莊宗列傳云晉王歸

李存璋進攻澤州刺史王琬棄城而去澤路皆平今不取

晉陽休兵行賞以周德威為振武節度使同平章事命州縣舉賢

資治通鑑補卷三百六十六後列國紀十九

才黜食殘寬租賦撫孤窮伸冤濫禁姦盜境內大治以河東地狹

兵少乃訓練士卒令騎兵不見敵無得乘馬部分已定無得相踰

越及畱絕以避險

踰越謂左軍不得越右軍後部不得踰前部之類畱絕謂軍行須連屬不得或畱止而中絕或不整

分道竝進期會無得差晷刻犯者必斬故能兼山東取河

南由士卒精整故也初管王克用平王行瑜

見二百六十卷唐昭宗乾寧二年

昭宗許其承制封拜時方鎮多行墨制王恥與之同每除吏必表

聞至是晉王存勳始承制除吏潞州圍守歷年士民凍餒死者太

半市里蕭條李嗣昭勸課農桑寬租緩刑數年之間軍城完復

靜江節度使同平章事李璣卒

李璣取靜江見二百六十卷唐昭宗光化三年

楚王馬

殷以其弟永州刺史存知桂州事王中丞更以許州忠武軍爲

匡國軍同州匡國軍爲忠武軍陝州保義軍爲鎮國軍乙亥楚

兵攻梁鄂州淮南所署知州秦裴擊破之淮南左牙指揮使張

顥右牙指揮使徐溫專制軍政宏農威王楊渥心不能平欲去之

而未能二人不自安共謀弑王分其地以臣於梁戊寅顥遣其黨

紀祥等弑王於寢室

考異曰吳錄顥使紀祥陳暉黎璠孫殷等執暉于寢室弑之不言徐溫蓋徐鉉為溫諱耳

辭史因之而江南別錄有蜀用左衛兵事歐陽史云溫顥共遣盜殺渥約分其地以臣於梁按溫與顥分掌牙兵渥若不同謀顥必不敢獨弑渥今從江南別錄十國紀年張顥飲弑淮南趙後送款於梁以淮南易蔡州節制徐溫曰揚州距汴州往返僅二千里軍府除月無主必亂不若有所立然後計云梁堯年二已卯顥集將圖之按顥稱臣後則有主矣今之從計云梁堯年二已卯顥集將

吏於府庭夾道及庭中堂上各列白刃令諸將悉去衛從然後入

顥厲聲問曰嗣王已薨軍府誰當主之三問莫應顥氣色益怒幕

僚嚴可求前密啟曰軍府至大四境多虞非公主之不可然今日

則恐太速顥曰何謂速也可求曰劉威陶雅李遇李簡

劉威在廣州陶雅在

後漢書卷一百一十五

豫州李膺在官皆先王之等更公今自立此曹官為公下乎不若

立幼主輔之諸將孰敢不從顯默然久之可求因屏左右急書一

紙置懷中麾同列詣使宅賀

節度使所居為使宅賀者欲賀新君

眾莫測其所為既

至可求跪讀之乃太夫人史氏教也大要言先王創業艱難嗣王

不幸早世隆演以次當立諸將宜無負楊氏舊寵導之辭旨明切

顯氣色皆沮以其義正不敢奪遂奉威王弟隆演稱淮南王後東

面諸道行營都統

楊隆演字源鴻行密第二子

既罷副都統朱瑾詣可求所居

曰瑾年十六七即橫戈躍馬衝犯大敵未嘗畏懼今日對顯不覺

流汗公面折之如無人乃知漢匹夫之勇不及公遠矣因以兄事

之顯以徐溫為浙西觀察使鎮潤州嚴可求說溫曰公捨牙兵而

出外藩顯必以弑君之罪歸公溫驚曰然則奈何可求曰顯剛愎

而暗於事公能見聽請爲公圖之時行軍副使李承嗣參預軍府之政可求又說承嗣曰顯凶威如此今出徐公於外意不徒然恐亦非公之利承嗣深然之可求姓見顯曰公出徐公於外人皆言公欲奪其兵權而殺之多言亦可畏也顯曰右牙欲之右牙者以官稱徐溫非吾意也業已行矣奈何可求曰止之易耳明日可求邀顯及承嗣俱詣溫可求瞋目責溫曰古人不忘一飯之恩況公楊氏宿將今幼嗣初立多事之時乃求自安於外可乎溫謝曰苟諸公見容溫何敢自專由是不行顯知可求陰附溫夜遣盜刺之可求知不免請爲書辭府主府主謂盛廣也盜執刀臨之可求操筆無懼色盜能辨字見其辭旨忠壯曰公長者吾不忍殺掠其財以復命曰捕之不得顯怒曰吾欲得可求首何用財爲溫與可求謀誅顯可求曰非

鍾泰章不可泰章者合肥人時爲左監門衛將軍溫使親將彭越

翟虔告之泰章聞之喜密結壯士三十人夜刺血相飲爲誓丁亥

旦直入斬顯於牙堂牙堂左右牙指并其親近溫始暴顯弑君之

罪輟紀祥等於市詣西宮白太夫人太夫人恐懼大泣曰吾兒冲

幼禍難如此願保百口歸廬州公之惠也溫曰張顯弑逆不可不

誅夫人方自安初溫與顯謀弑威王溫曰參用左右牙兵心必不

一不若獨用吾兵顯不可溫曰然則獨用公兵顯從之至是窮治

逆黨皆左牙兵也由是以溫爲實不知謀也隆演以溫爲左右

牙都指揮使軍府事成取決焉以嚴可求爲揚州司馬溫性沈毅

自奉簡儉雖不知書使人讀獄訟之辭而決之皆中情理先是張

顯用事刑罰酷濫縱親兵剽奪市里及顯誅溫謂嚴可來曰大事

已定詔與公輩當力行善政使人解衣而寢耳乃立法度禁強暴

舉大綱軍民安之溫以軍旅委嚴可求以財賦委支計官駱知祥

支計官猶天監度支郎之任也皆稱其職淮南謂之嚴駱己丑契丹王耶律阿

保機遣使隨高順入貢於梁高順報使契丹見上年五月且求冊命梁主昱復

遣司農卿渾特賜以手詔約其滅沙陀乃行封冊壬辰梁夾寨

諸將詣闕待罪皆赦之梁主贊牛存節全澤州之功以爲六軍馬

步都指揮使雷彥恭引沅江環朗州以自守沅水逕朗州城南去城二十步秦

彥暉頓兵月餘不戰彥恭守備稍懈彥暉使裨將曹德昌帥壯士

夜入自水竇內外舉火相應城中驚亂彥暉鼓譟壞門而入彥恭

輕舟奔廣陵雷勣唐僖宗中和元年據朗州傳至彥恭而亡考異曰梁太祖實錄云丁酉朗州軍前奏捷彥恭沒溺于

江今從彥暉虜其弟彥雄送於大梁淮南以彥恭爲節度副使先

是澧州刺史向瓌與彥恭相表裏至是亦降於楚向瓌亦以中和元年據澧州

楚始得澧朗二州 蜀主王建遣將將兵會岐兵五萬攻梁雍州

梁受禪改京兆府為雍州大安府 晉張承業亦將兵應之六月壬寅梁以劉知俊

為西路行營都招討使以拒之 梁金吾上將軍王師範家於洛

陽朱友甯之妻泣訴於梁主晃曰陛下化家為國宗族皆蒙榮寵

妾夫獨不幸因王師範叛逆死於戰場朱友甯死見二百六十四卷唐昭宗天復三年今

仇讎猶在妾誠痛之梁主曰朕幾忘此賊已酉遣使就洛陽族之

使者先鑿阬於第側乃宣敕告之師範陳寢具與宗族列坐謂

使者曰死者人所不免況有罪乎予不欲使積尸長幼無序酒既

行命自幼及長引於阬中戮之死者凡二百人 丙辰梁劉知俊

及佑國節度使王重師大破岐兵於褒谷晉蜀兵皆引歸 蜀主

王建立遂王宗懿為太子

為宗懿不終張本

梁主晃欲自將擊潞州丁

卯詔會諸道兵

湖南判官高郁請聽民自采茶賣於北客收其

征以贍軍楚王駕殷從之秋七月殷率表於梁請於汴荆襄唐郢

復州置回圖務

回圖務猶今之回易場也

運茶於河南北賣之以易緡續戰馬

而歸仍歲貢茶二十五萬斤梁許之湖南由是富贍王申淮南

將吏請於李儼承制授楊隆演淮南節度使東面諸道行營都統

同平章事宏農王

李儼承制事始二百六十三年唐昭宗天復二年

鍾泰章賞薄

殺張顥之賞也

泰章未嘗自言後踰年因醉與諸將爭言而及之或告徐溫以泰

章怨望請誅之溫曰是吾過也擢為滁州刺史是月蜀驍虞見

資治通鑑補卷一百六十六終

資治通鑑補卷一百六十六終

資治通鑑補卷第二百六十七

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

後列國紀二

戊八月吳越王錢鏐遣甯國節度使王景仁奉表詣大梁王茂章奔兩浙

見二百六十五卷唐昭宣帝天祐三年陳取淮南之策景仁即茂章也避梁諱改焉

帝台祖諱茂琳淮南遣步軍都指揮使周本南面統軍使呂師造擊吳越

九月圍蘇州吳越將張仁保攻常州之東洲拔之宋白曰通州海門縣東南隔水

二百餘里淮南兵死者萬餘人淮南以池州團練使陳瑋為水陸

行營都招討使帥柴再用等諸將救東洲大破仁保于魚蕩復取

東洲柴再用方戰舟壞長稍浮之僅而得濟家人為之飯僧千人

再用悉取其食以犒部兵曰士卒濟我僧何力焉 丙子蜀主王

建立皇后周氏后許州人也周氏蓋蜀主建糟糠之妻也 晉周德威李嗣昭

將兵三萬出陰地關攻梁晉州刺史徐懷玉拒守梁主晃自將救

之丁丑發大梁乙酉至陝州 戊子岐王季茂貞所署延州節度

使胡敬璋攻梁上平關金人疆域圖隰州石樓縣有上平關按延州東至隰州百三十里胡敬璋蓋度河來

也劉知俊雖破之 晉周德威等聞梁主將至乙未退保隰州九

志舊州西北至隰州二百五十五里 荆南節度使高季昌遣兵屯漢口漢口漢水入江之口

其地在鄂州漢陽縣東大別山下 絕楚荆貢于梁之路楚王駕殷遣其將許德勳

將水軍擊之至沙頭沙頭即今江陵城南沙頭市 季昌懼而請和殷又遣步軍

都指揮使呂師周將兵擊嶺南呂師周降馬殷見上卷元年 與清海節度使劉

隱十餘戰取昭賀梧蒙麓富六州

蒙州隋始安郡之隋化縣唐武德四年置南恭州貞觀二年更名

名蒙州冀州本漢猛陵縣地隋為永平郡武林縣唐貞觀三年置

燕州七年移燕州於今州東仍於燕州舊所置冀州又武德四年

以始安郡之龍平蒙靜及蒼梧郡之蒼梧置富州九域志昭州東

至賀州三百二十五里南至梧州四百九十里南稍斜至冀州五

百五十里宋開寶廢富州以龍平縣隸昭州在州東南百六十里

二里熙寧五年廢蒙州以立山縣隸昭州在州南二百十二里殷

土宇既廣乃養士息民湖南遂安 冬十月蜀主王建立後宮張

氏為貴妃徐氏為賢妃其妹為德妃張氏郭人宗懿之母也

郭氏唐縣人

帶梓州

二徐耕之女也

徐耕見二百五十八卷唐昭宗大順二年徐妃亡蜀張本

華原

賊帥溫韜聚眾嵯峨山暴掠雍州諸縣發唐帝諸陵而昭陵最固

韜從埏道下見宮宰制度宏麗不異人間中為正寢東西廂列石

牀牀上石函中為鐵匣悉藏前代圖書鍾王筆迹紙墨如新韜悉

取之遂傳人間惟乾陵風雨不可發 庚戌蜀主王建講武於星

嶺山步騎三十萬 丁巳梁主晃遣大梁 辛酉梁以劉隱為清

海靜海節度使 兼交廣二鎮也然劉氏終不能有安南 以膳部郎中趙光裔右補闕

李殷衡充官告使隱皆留之光裔光逢之弟殷衡德裕之孫也

依政進士梁震 依政秦蒲陽縣漢臨邛縣後魏置蒲陽郡及唐末依政縣唐屬平州九域志在州東南五十里 唐末

登第至是歸蜀過江陵高季昌愛其才識留之欲奏于梁請為判

官震恥之 高季昌出於奴僕故梁震恥為之僚屬 欲去恐及禍乃曰震素不慕榮宦

明公不以震為愚必欲使之參謀議但以白衣侍樽俎可也何必

在幕府季昌許之震終身止稱前進士不受高氏辟署季昌甚重

之以為謀主呼曰先輩 唐人呼進士為先輩至今猶然 梁主晃從吳越王錢鏐

之請以亳州團練使寇彥卿為東南面行營都指揮使擊淮南十

一月彥卿帥眾二千襲霍邱為土豪朱景所敗又攻廬壽二州皆

不勝淮南道滁州刺史史儼拒之彥卿引歸 定難節度使李思

諫卒甲戌其子彝昌自爲留後 劉守文舉滄德兵攻幽州劉守

光求救於晉晉王季存勸遣兵五千助之丁亥守文兵至盧臺軍

盧臺軍宋爲乾甯軍地九城志 爲守光所敗又戰玉田亦敗 玉田

乳前軍在滄州西北九十里 終駭唐葛成通天元年更名玉田屬薊州在薊州東 廣無

南八十里又東北至平州二百里西至幽州三百里 守文乃還

癸巳梁中書侍郎同平章事張策以刑部尚書致仕以左僕射楊

涉同平章事 保塞節度使胡敬瑄卒辭難節度使李繼徽以其

將劉萬子代鎮延州 是歲宏農王楊隆演遣軍將萬全感齋書

開道詣晉及岐告以嗣位 梁加吳越王錢鏐守中書令改廣義

鄉爲衣錦鄉 梁主晃將遷都洛陽

己酉晉岐淮南稱唐天祐六年梁 開平三年是歲凡五國五鎮 春正月己巳遷其太廟神主於洛

陽甲戌梁主晃發大梁壬申以博王友文為東都留守

梁以大梁為東都

己卯梁主至洛陽庚寅饗太廟辛巳祀圓丘大赦羣臣上尊號曰

睿文聖武廣孝皇帝丙申梁以用度稍充初給百官全俸

唐自廣明

存而已至是復全給二月丁酉朔日有食之保塞節度使

劉萬子暴虐失眾心且謀貳于梁李繼徽使延州牙將李延實圖

之延實因萬子葬胡敬璋攻而殺之遂據延州馬軍都指揮使河

西高萬興與其弟萬金聞變以其眾數千人詣劉知俊降

為高萬興兄弟

張本岐王季茂貞置翟州於鄜城

後魏置敷城郡及敷城縣附改曰鄜城唐屬坊州九域志

薛在鄜州東其守將亦降三月甲戌梁主晃發洛陽以山南東

道節度使楊師厚兼潞州四面行營招討使庚辰梁主晃至河

中發步騎會高萬興兵取丹延

朱白曰丹州秦上郡地符姚時為三堡鎮後魏大統三年割鄜延二

州地置汾州理三堡鎮廢音以與河東汾州同名改爲丹州因丹
楊川以爲名延州項羽以董歸爲翟王都高奴卽其地魏滅赫連
以爲統萬鎮後爲東夏州後改延州 丙戌梁以朔方節度使兼中書令韓遜爲潁

川王遜本靈州牙校唐末據本鎮梁因而授以節鉞 辛卯丹州

刺史崔公實請降於梁丹州係塞軍巡屬 徐溫以金陵形勝戰艦所聚

乃自以淮南行軍副使領昇州刺史畱廣陵以其假子元從指揮

使知誥爲昇州防遏兼樓船副使往治之 夏四月丙申朔梁劉

知俊移軍攻延州李延實嬰城自守知俊遣白水鎮使劉儒分兵

圍坊州後魏太和二年分澄城置白水郡及縣隋廢郡以縣屬馮翊唐屬同州九域志在州西北一百二十里 庚

子纂以王審加爲閩王劉隱爲南平王 梁劉知俊克延州李延

實降 淮南兵圍蘇州推洞屋攻城洞屋以木構柱爲之冒以牛皮其狀如洞 吳越將

臨海孫瑆置輪於竿首垂絙投錐以揭之攻者盡露礮至則張網

以拒之淮南人不能克吳越王錢鏐遣牙內指揮使錢鏐行軍副
使杜建徽等將兵救之蘇州有水通城中淮南張網綴鈴縣水中
魚鱉過皆知之吳越游弈都虞候司馬福欲潛行入城故以竿觸
網敵聞鈴聲舉網福因得過凡居水中三日乃得入城由是城中
號令與援兵相應敵以爲神吳越王鏐嘗游府園見園卒陸仁章
樹藝有智而志之及蘇州被圍使仁章通信入城果得報而返鏐
以諸孫畜之累遷兩府軍糧都監使兩府鎮海鎮東兩節度府卒獲其用仁章
睦州人也辛亥吳越兵內外合擊淮南兵大破之擒其將何朗等
三十餘人奪戰艦二百艘周本夜遁又追敗之於皇天蕩此皇天蕩非真
州大江中之皇天蕩按宋熙寧三年平江府崑山縣人鍾泰章將
鄉直上奏言水利長洲縣界有長蕩皇天蕩此則是也精兵二百爲殿多樹旗幟於菰蔣中追兵不敢進而還岐王季

茂貞所署係大節度使李彥博坊州刺史李彥昂皆棄城奔鳳翔

鄜州都將嚴宏倚舉城降梁己未梁以高萬興為保塞節度使以

絳州刺史牛存節為係大節度使梁遂取鄜坊丹延兩鎮淮南初置選舉

以駱知祥掌之五月丁卯梁主晃命劉知俊乘勝取邠州知俊

難之李繼徽據邠州有鳳翔之援知俊以取之為難辭以闕食乃召還梁佑國節度

使王重師領長安數年甚有威惠梁主晃在河中怒其貢奉不時

己巳召重師入朝以左龍虎統軍劉捍為佑國爾後癸酉梁主

晃發河中己卯至洛陽劉捍至長安王重師不為禮捍譖之於梁

主云重師潛與邠岐通甲申貶重師溪州刺史尋賜自盡夷其族

為劉知俊設劉捍以叛張本劉守文頻年攻劉守光不克乃大發兵以重賂

招契丹吐谷渾之眾合四萬屯薊州守光逆戰於雞蘇為守文所

敗守文軍馬立於陳前泣謂其眾曰勿殺吾弟守光將元行欽識

之直前擒之滄德兵皆潰守光囚之別室梏以聚棘乘勝進攻滄

州滄州節度判官呂克孫鶴推守文子延祚爲帥乘城拒守克安

次人也

安次漢縣唐屬幽州在州東南一百三十里

梁忠武節度使兼侍中劉知俊

去年更同州匡國軍爲忠武軍事見上卷

功名浸盛以梁主晁猜忍日甚內不自安及

王重師誅知俊益懼梁主將伐河東急徵知俊入朝欲以爲河東

西面行營都統且以知俊有丹延之功厚賜之知俊弟右保勝指

揮使知浣從梁主在洛陽密使人語知俊云入必死又自梁主請

帥弟姪往迎知俊梁主許之六月乙未朔知俊奏爲軍民所留遂

以同州附於岐

考梁曰實錄六月庚戌知俊據本部反削奪官爵與帥討伐編遺

梁曰實錄六月乙未朔奏本道軍民遮留尋問禽使臣及將送鳳翔蓋編遺執監軍及將佐之不從者皆械

據奏到之日實錄削奪之日也

遂於岐遣兵襲華州逐刺史蔡敬思

九域志同州南至華州七十里

以兵守潼關

潛遣人以重利啗長安諸將執劉捍送於岐殺之知俊遣使請兵

於岐亦遣使請晉人出兵攻晉絳遣晉王書曰不過旬日可取兩

京復唐社稷

丁未梁朔方節度使韓遜奏克鹽州斬岐所署刺

史李繼直

唐末鹽州秦州事連朝延不隸靈夏至是靈夏遂復合爲一鎮

梁主冕詣近臣諭劉

知俊曰朕待卿甚厚何忽相負對曰臣不背德但畏族滅如王重

師耳梁主復使謂之曰劉捍言重師陰結邠岐朕今悔之無及捍

死不足塞責知俊不報庚戌詔削知俊官爵以山南東道節度使

楊師厚爲西路行營招討使帥侍衛馬步軍都指揮使劉鄩等討

之辛亥梁主發洛陽劉鄩至潼關東獲劉知俊伏路兵隔如海等

三十人釋之使爲前導劉知浣迷失道盤桓數日乃至關下關吏

通鑑纂要卷之六十三

納之如海等繼至關吏不知其已被虜亦納之鄒兵乘門開直進遂克潼關追及知浣擒之 癸丑梁主晃至陝 梁丹州馬軍都

頭王行思等作亂刺史宋知誨逃歸 梁主晃遣劉知俊姪嗣業

持詔詣同州招諭知俊知俊欲輕騎詣行在謝罪弟知偃止之楊

師厚等至華州知俊將姪賞開門降知俊聞潼關不守大軍繼至

蒼黃失圖乙卯眾族奔岐楊師厚至長安岐兵已據城師厚以奇

兵竝南山急趨自西門入遂克之 按唐長安城十門西南三門惟延平門近南山 庚申梁

以劉鄩權佑國留後岐王厚禮劉知俊以為中書令地狹無藩鎮

慮之但厚給俸祿而已 為劉知俊奔劉張本 劉守光遣使告捷于梁且言

俟滄德事畢為陛下掃平并寇 河東并州之也 亦致書晉王云欲與之同

破偽梁 撫州刺史危全諷自稱鎮南節度使帥撫信袁吉之兵

號十萬攻洪州

唐置淮南軍於洪州撫信袁吉皆巡屬也危全諷自稱節度舉兵以攻洪州欲兼而有之九域志曰

撫州西北至洪州二百九里

淮南守兵纔千人將吏皆懼節度使劉威密遣使

告急於廣陵日召僚佐宴飲全諷聞之屯象牙潭不敢進

象牙潭在撫州

全諷縣東北

請兵於楚楚王駕殷遣指揮使苑政會袁州刺史彭彥章

圍高安以助全諷攻蔡州人彥章玠之兄也

彭玠見二百六十五卷唐昭宣帝天祐

年三徐溫問將於嚴可求可求薦周本乃以本爲西南面行營招討

應援使將兵七千救高安本以前攻蘇州無功稱疾不出可求卽

其臥內彊起之本曰蘇州之役敵不能勝我但主將權輕耳今必

見用願毋置副貳乃可可求許之本曰楚人爲全諷聲援耳非欲

取高安也吾敗全諷援兵必還乃疾趣象牙潭過洪州劉威欲犒

軍本不可留或曰全諷兵強君宜觀形勢然後進本曰賊眾十倍

於我我軍聞之必懼不若乘其銳而用之 秋七月甲子梁以劉

守光爲燕王 梁兵克丹州擒王行思 梁商州刺史李稠驅士

民西走

將奔

將吏追斬之

考異曰薛史稠棄郡西奔本州將吏以都牙校李致權知州事賊歸史商州軍

亂逐其刺史李稠稠奔于岐實錄丙寅陝州奏商州刺史李稠棄郡逃山谷又曰商州將吏以稠驅勝士庶西遁追斬無遺 今從之○攻音民 推都押牙李致主州事 庚午梁改佑國軍曰

永平

開平元年從佑國軍於長安今改曰永平

河東兵攻梁晉州抄掠至堯祠而去

堯都平陽府有祠在汾城東十里東原上平陽唐爲蒲汾縣晉州所治也

癸酉梁主昱發陝州乙亥

至洛陽寢疾 初梁主昱召山南東道節度使楊師厚欲使督諸

將攻潞州以前充海甯後王班爲留後鎮襄州師厚屢爲班言牙

兵王求等凶悍宜備之班自恃左右有壯士不以爲意每眾辱之

戊寅謫求戍西境是夕作亂殺班推都指揮使劉玘爲留後玘僞

從之明日與指揮使王延順逃詣洛陽

考異曰姚顗明宗實錄薛史記傳皆云朔日受賀衙

庭享士伏甲幕下中筵盡斬其亂將以聞以功爲復州刺史成梁祖實錄八月丁酉賜紀王延順物以其違逆將之難來歸竊遣使斬李洪等救云始扶劉紀既奔直以歸朝若使紀朔日便斬亂將復州何由至九月始收復蓋紀脫身歸朝及梁亡入唐安云亂將將自誇大史官不能考察從而書之耳

亂兵奉平淮指揮使李洪爲副後附於蜀未

幾房州刺史楊虔亦叛附於蜀 危全諷在象牙潭營柵臨溪互

數十里庚辰周本隔溪布陳臨其水柵指山頭一小營謂小校王

與曰可往攻彼以分賊勢與唯唯不行本曰爾憚往邪與曰公若

以與爲可使願得此柵攻之本大喜曰爾亦知此柵爲賊之要害

邪卽令與攻之而先使賊兵營敵全諷兵涉溪追之本乃令與乘

其半濟縱兵奮擊破其先鋒更乘輕舟排其水柵而入諸軍乘之

全諷兵大潰自相蹂躪溺水死者甚眾本又分兵斷其歸路擒全

諷及將士五千人乘勝克袁州執刺史彭彥章進攻吉州九域志袁州南

至吉州三百一十五里 欽州刺史陶雅使其子敬昭及都指揮使徐章將兵

襲饒信信州刺史危仔倡請降唐僖宗中和二年危全諷據撫州仔倡據信州至是皆亡饒州

刺史唐寶棄城走行營都指揮使米志誠都尉呂師造等敗苑玫

於上高吉州刺史彭玕帥眾數千人奔楚唐昭宗天祐三年彭玕附楚楚王璠

殷表子梁以玕為郴州刺史為子希範娶其女淮南以左先鋒指

揮使張景思知信州遣行營都虞候骨言將兵五千送之危仔倡

聞兵至奔吳越吳越王鏐鏐以仔倡為淮南節度副使惡其姓更

曰元氏危全諷至廣陵淮南諸將議曰昔先王攻趙鏐全諷餽餉

給吾軍乃釋之資給甚厚八月虔州刺史盧光稠以州附於淮南

於是江西之地盡入於楊氏光稠亦遣使附於梁 甲寅梁主昱

疾小瘳始復視朝 梁以鎮國節度使康懷貞為西路行營副招

討使 蜀主王建命太子宗懿判六軍開承和府妙選朝士為僚

屬 辛酉梁均州刺史張敬方奏克房州 楊建以房州附蜀見上九城志均州南至房州

二百一十五里 岐王季茂貞欲遣劉知俊將兵攻梁靈夏且約晉王使

攻梁晉絳晉王季存勳引兵南下先遣周德威等將兵出陰地關

攻晉州刺史邊繼威悉力固守晉兵穿地道陷城二十餘步城中

血戰拒之一夕城復成梁主晃詔楊師厚將兵救晉州周德威以

騎扼蒙院之險 蒙院在汾水東東西三百餘里蹊徑不通 師厚擊破之進抵晉州晉兵

解圍遁去 考異曰實錄云梁殺生擒賊將蕭萬通等賊由是棄寨而遁莊宗實錄云汴軍至蒙院周德威逆戰敗之斬首

二百級師厚退絳州是役也小將蕭萬通戰沒師厚進營平陽德

威收軍而退二軍各言勝捷然既殺蕭萬通師厚何有退保絳州

既敗而退豈得復進營平陽德威既戰勝矣 李洪致荆南高季

食台圖監前卷二百六十七 後列國紀二十一 九

昌遣其將倪可福擊敗之梁遣馬步都指揮使陳暉將兵會荆南兵討洪蜀主王建以御史中丞王錯為中書侍郎同平章事

音皆

音皆

梁陳暉軍至襄州李洪逆戰大敗王求死九月丁酉拔其

城斬叛兵于人執李洪楊虔等送洛陽斬之丁未梁以保護節

度使王檀為潞州東面行營招討使劉守光上奏於梁欲遣其

子中軍兵馬使繼威安撫滄州吏民戊申梁以繼威為義昌留後

辛亥梁侍中韓建罷守太保左僕射同平章事楊涉罷守本官

以太常卿趙光逢為中書侍郎翰林奉旨工部侍郎杜曉為戶部

侍郎並同平章事

梁改翰林承旨為翰林奉旨以麻諱諱也

曉讓能之子也

杜康能死

國難見二百五十九

淮南遣使者張知遠修好於福建知遠倨

慢閩王王審知斬之表上其書於梁始與淮南絕審知性儉約常

歸麻履府舍卑陋未嘗營葺寬荆薄賦公私富實境內以安歲自

海道登萊入貢於梁沒溺者什四五自福建人貢大梁陸行當出

善所淮而後入梁境然自信饒至臨壽皆屬楊氏而朱楊世仇

不可得而假道故航海入貢今自福州洋過溫州洋取台州洋過

天門山入明州象山洋過甯江原洲港直東冬十月甲子蜀司

天監胡秀林獻永昌歷行之歐陽修曰永昌歷止行蜀廣都有

嘉禾合穗而生湖州刺史高澄性凶忍嘗召州吏議曰吾欲盡

殺百姓可乎吏曰如此租賦何從出當擇可殺者殺之耳時澄糾

民爲兵有言其吝怨者澄悉集民兵於開元寺給云犒犒入則殺

之死者踰半在外者覺之縱火作亂澄閉城大索凡殺三千人吳

越王錢鏐欲誅之戊辰澄以州叛附于淮南舉兵焚義和臨平鎮

九域志杭州仁和縣有臨平鎮按仁即縣本錢塘縣宋初太平興

國初改錢塘縣曰仁和蓋有先有義和地名又避太宗藩邸舊名

遂改曰仁和也。鑒命指揮使錢鏐討之。十一月甲午，梁主晃告謝於圓丘。

告謝者告天而戊戌大赦。鄴王羅紹威得風痺病，上表于梁。

稱魏故大鎮多外兵，頗得有功重臣。鎮之臣乞骸骨歸第。梁主晃

聞之，撫案動容。己亥，以晃子周翰為天雄節度副使，知府事。謂使

者曰：亟歸語而主，為我強飯。如有不可，諱當世世賣爾子孫以相

報也。今使周翰領軍府，尚冀爾復愈耳。考異曰：梁功臣列傳，朝廷

訪紹威有謀，遣亦馳使獻替。或中途相遇，意互不合者十得五六。大

和數口竭忠力一人而已。又曰：子三人，長曰廷規，司農卿尚安陽

公主又尚金華公主。早卒。次周翰，起復襄陽將軍。充天雄節度副

使，尋檢校司徒、正人。授魏節度使，亦早卒。次曰周敬賢，史亦同實

錄。己亥，以司門郎中羅廷規充魏節度副使，知府事。仍改名周翰。時鄴王紹威病日甚，慮以後事，故奏請焉。莊宗列傳：紹威卒，溫以其子周翰嗣政。莊宗實錄：紹威厚卒，重敏領府。以奉溫小育，違忤即遣人誣辱紹威，方懷愧恥，自弱之謀乃濟。收兵市馬，陰有覆溫之志。而賂溫益厚，溫怪其非事。慮其奸謀，而莫之察。乃賜紹威妓妾數人，皆承襲愛。未半歲，溫卻召還，以是得其陰事。內相

牙橋附史又云開平四年夏詔金華公主出家爲尼詔於宋州元
靜寺蓋太祖推恩於羅氏令終其婦節也唐餘錄歐陽史皆同惟
唐莊宗實錄獨異按均帝時稍儀等言羅紹威前恭後怨太祖母
深含怒似與此言合然果成若謂紹威有陰謀必不使周翰史居
其疑後唐史以紹威與梁最親疾之而載此傳聞
之語今從眾書廷規更名周翰亦恐實錄之誤
岐王季茂貞

欲取梁靈州以處劉知俊且以爲牧馬之地使知俊自將兵攻之
則方節度使韓遜遣使告急于梁梁遣鎮國節度使康懷貞感化

節度使郭彥卿將兵攻邠甯以救之懷貞等所向皆捷克甯衍二

州拔慶州南城刺史李彥光出降

甯慶衍三州皆靜難軍巡屬地也周顯德五年廢衍州爲定

平興特汾州九域志熙寧五年以汾州定平縣隸涇州在州南六十里游兵侵掠至涇州之境劉知

俊聞之十二月己丑解靈州圍引兵還梁主晃急召懷貞等還遣

兵迎援於三原青谷懷貞等還至三水

三水漢古縣唐屬邠州九域志在州東北六十里

知俊遣兵據險邀之

詳史曰知俊邀擊懷貞等於邠州長城嶺梁左龍驤軍使壽張王

彦章力戰

五代會要曰開平元年改左右親隨軍將馬軍爲左右龍驤軍

懷貞等乃得過懷貞與

裨將李德遇許從實王番權分道而行皆與援兵不相值至昇平

唐天寶十二載分宜

唐置昇平縣屬坊州劉知俊伏兵山口懷貞大敗僅以身免德遇

等軍皆沒岐王以知俊爲彰義節度使鎮涇州王彥章驍勇絕倫

能跣足履棘行百步每戰用二鐵槍皆重百斤一置鞍中一在手

所向無前時人謂之王鐵槍蜀蜀州刺史王宗弁稱疾罷歸成

都杜門不出

王宗弁鹿弁也蜀主養以爲子賜姓名

蜀主王建疑其矜功怨望加檢

校太保固辭不受謂人曰廉者足而不憂貪者憂而不足吾小人

致位至此足矣豈可求進不已乎蜀主嘉其志而許之賜與有加

劉守光固滄州久不下執劉守文至城下示之猶固守城中食

盡米斗直錢三萬民食堊泥軍士食人驢馬相啖鬣尾呂充選男

女羸弱者飼以麴麪而烹之以給軍食謂之宰殺務

至唐晉岐吳稱唐天祐七年梁開平四年是歲淮南稱吳凡五國五鎮春正月乙未劉延祚力盡出

降時劉繼威尙幼劉繼威守光之子也守光使大將張萬進周知裕輔之鎮

滄州爲張萬進殺劉繼威張本以延祚及其將佐歸幽州族呂寬而釋孫鶴充

子琦年十五門下客趙玉給監刑者曰此吾弟也勿妄殺監刑者

信之遂挈以逃琦足痛不能行玉負之變姓名乞食於路僅而得

免琦爲人美風儀重節概感家門殄滅力學自立晉王聞其名授

代州判官辛丑梁以盧光稠爲鎮南畱後盧光稠以廖州開梁鎮南軍置於洪州時

已爲淮南所有劉守光爲其父仁恭請致仕丙午梁以仁恭爲太師致

仕守光尋使人潛殺其兄守文歸罪於殺者而誅之二月萬全

感自岐歸廣陵前年淮南使萬全感使晉及岐岐王季茂貞承制加宏農王楊隆

後梁開平三年四年

道兼中書令嗣吳王唐昭宗天復二年封陽行密吳王今岐王承制加降漢嗣王於是吳王赦

其境內 高澄求救於吳吳常州刺史李簡等將兵應之湖州將

盛師友沈行思開城不納澄帥麾下五千人奔吳按唐昭宗乾甯四年李彥徽奔

淮南錢鏐取湖州天復二年徐許亂杭州湖州刺史高彥遣子潛入接唐昭宣帝天祐三年彥卒子澄代立至是而敗三月

癸巳吳越王錢鏐巡湖州以錢鏐為刺史 問太子王宗懿驕暴

好陵僣舊臣內樞密使唐道襲蜀主延之嬖臣也太子屢譴之於

朝由是有隙互相訴於蜀主蜀主恐其交惡以道襲為山南西道

節度使同平章事道襲薦宣徽北院使鄭頊為內樞密使頊受命

之日即欲按道襲昆弟盜用內庫金帛道襲懼奏頊禍急不可大

任丙午出頊為果州刺史以宣徽南院使潘炕為內樞密使為宗

道襲本 ○炕音亢 梁夏州都指揮使高宗益作亂殺節度使李瑋昌將

史共誅宗益推錄昌族父薛漢都指揮使李仁福為帥

考異曰薛史仁福本

党與拓拔氏唐末拓拔思恭以破黃巢功賜姓黃仁福之族亦賜姓李歐史云不知其於思謙為執疎也抄仁福諸子皆連襲字則

於昌昌必父行也按李仁福子孫遷盛遂為宋朝西邊之禍所謂西夏也癸丑仁福以間夏四月甲

子璽以仁福為定難節度使丁卯梁宋州節度使衛王友諒獻

瑞麥一莖三穗梁主晃曰豐年為上瑞今宋州大冰安用此為詔

除本縣令名

本縣指產瑞麥之縣

遣使詰責友諒以充海關後惠王友能代

為宋州留後

歐陽史職方考梁都大梁徙宣武節度使於宋州薛史開平三年五月升宋州為宣武軍節度使仍以毫縣

屬許友諒友能皆全昱子也梁主晃以晉州刺史下邑華溫琪

拒晉兵有功欲嘗之會護國節度使冀王友謙上言晉絳邊河東

乞別建節鎮王申以晉絳沁三州為定昌軍以溫琪為節度使

梁左金吾大將軍寇彥卿入朝至天津橋有民梁現不避道投諸

欄外而死彥卿自首其罪梁主是以彥卿才幹有功久在左右命

以私財遺死者家以贖罪御史司憲崔沂唐高宗以御史大夫為大司憲蓋以御史執法

之官故名之梁置御史司憲既曰御史復曰司憲蓋不考名官之義也初奏彥卿殺人闕下請論如

法梁主命彥卿分析帝欲寬之故使分析致死之由彥卿對令從者舉置欄外不

意誤死梁主欲以過失論沂奏在法以勢力使令為首下手為從

不得歸罪從者不關而故毆傷人加傷罪一等不得為過失辛巳

賁授彥卿游擊將軍左衛中郎將彥卿揚言有得崔沂首者賞錢

萬緡沂以白梁主梁主使人謂彥卿崔沂有毫髮傷我當族汝時

功臣驕橫由是稍肅沂沆之弟也崔沆見二百五十四卷唐僖宗廣明元年五月吳

徐溫母周氏卒將吏致祭為偶人高數尺衣以羅錦溫曰此皆出

民力柰何施於此而焚之宜解以衣貧者未幾起復為內外馬步

軍都軍使領潤州觀察使 岐王李茂貞屢求貨於蜀主王建

皆與之又求巴劍二州蜀主曰吾奉茂貞勤亦至矣若與之地是

棄民也甯多與之貨乃復以絲茶布帛七萬遺之 己亥梁以劉

繼威爲義昌節度使

劉守光請之也

癸丑梁天雄節度使兼中書令鄴

貞莊王羅紹威卒詔以其子周翰爲天雄留後紹威好學工書聚

書數萬卷開館以延四方之士爲人精悍明敏通習吏事爲政有

威嚴

梁匡國節度使長樂忠敬王馮行襲疾篤

二年改許州忠武軍爲匡國軍

見上

表請代者許州牙兵二千皆秦宗權餘黨梁主晁深以爲憂

六月庚戌命崇政院直學士李珣馳往視行襲病

崇政院直學士卽宋朝樞密直

學士之職五代會要開平二年十一月置崇政院直學士二員選有政術文學者爲之後又改爲直崇政院李珣諫威納遣大船者洵敗歸趙匡曰善諭朕意勿使亂我近鎮珣至許州謂將吏曰

天子握百萬兵去此數舍

三十里也

合九域志許州至洛陽三百一十五里

馮公忠純勿

使上有所疑汝曹赤心奉國何憂不富貴由是眾莫敢異議行襲

欲使人代受詔班曰東首加朝服禮也乃即臥內宣詔謂行襲曰

公善自輔養勿視事此子孫之福也行襲泣謝遂解兩使印授班

兩使印節度使觀察使印

使代掌軍府梁主聞之曰子固知班能辦事馮族亦

不亡矣庚辰行襲卒甲申以李班權知匡國昭後悉以行襲兵分

隸諸校冒馮姓者皆還宗

言馮姓者皆行襲之養子也

楚王馬

殷求為天策上將梁主冕從之殷始開天策府以弟賓為左相存

為右相殷遣將侵荆南軍於油口

油口在江陵府公安縣

高季昌擊破之斬

首五千級逐北至白田而還吳水軍指揮使敖駢圍吉州刺史

彭玕弟瑊於赤石

即吉州之赤石湖彭氏巢穴也

楚兵救瑊虜駢以歸

秋七月

獨門下侍郎兼吏部尚書同平章事韋莊卒 吳越王錢鏐表請

宦者周延誥等二十五人唐末避禍至此非劉韓之黨乞原之

劉韓李連梁主晃曰此屬吾知其無罪但今革弊之初不欲置之

皆全誨也禁掖可且留於彼諭以此意 岐王季茂與邠涇二帥

邠劉各遣使告晉請合兵攻梁定難節度使李仁福晉王季存勛

遣振武節度使周德威將兵會之合五萬眾圍夏州仁福嬰城拒

守 八月梁以劉守光兼義昌節度使

考異曰實錄是歲五月以義昌節度使劉守光兼義昌節度使不言置繼威於何處或

者復為留後不然守光兼幽滄節度使繼威但為治州節度使皆

不可却今兩存之余謂先是以劉守光子繼威為義昌 鎮定

自梁主晃踐阼以來雖不輸常賦而貢獻甚勤會捕王王露母何

氏卒庚申梁遣使弔之且授起復官時鄉道弔客皆在館使者見

晉使歸言於梁主曰鎔潛與晉通鎮定勢強恐終難制梁主深然

之為遣兵圍鎮定壬戌李仁福告急于梁甲子梁以河南尹兼

中書令張宗爽為西京留守梁主是恐晉兵襲西京晉兵自鄆州下襲孟則兩

京冀動矣以宣化縣後李思安為東北面行營都指揮使據歐史職方考梁以鄆州

為宣化軍將兵萬人屯河陽所以衛洛陽也丙寅梁主發洛陽已已至陝辛未

以鎮國節度使楊師厚為西路行營招討使會感化節度使康懷

貞將兵三萬屯三原唐末以徐州數縣叛亂廢武寧軍尋復以感化軍歐史職方考徐州直注武寧軍華州

注感化軍蓋梁改華州鎮國軍為感化軍也一日感化軍陝州梁初改同州為忠武軍蓋劉知俊之叛又改同州為鎮國軍

主憂晉兵出澤州逼懷州既而聞其在綏銀磧中晉兵趨夏州李自麟府濟河西

至夏州按九域志麟州西至夏州三百五十里西南至銀州一百

八十里後州西至夏州四百里所謂磧中皆旱海及無定河川之

地曰無足慮也甲申遣夾馬指揮使李遇劉綽自鄆延趨銀夏邀

其歸路

梁置左右堅
銳夾馬夾將

吳越王錢鏐築捍海石塘

今杭州城外瀕
浙江皆有石塘

上起六和塔下抵長
山門外皆錢氏所築

廣杭州城大修臺館由是錢塘富庶盛於東

南鏐嘗游衣錦軍作還鄉歌曰三節還鄉兮挂錦衣父老遠來相

追隨斗牛無孿人無欺吳越一王駟馬歸是月蜀有龍五十見

洵陽水中 九月己丑梁主晃發陝甲午至洛陽疾復作 梁李

遇等至夏州岐晉兵皆解去 冬十月梁遣鎮國節度使楊師厚

相州刺史李思安將兵屯澤州以圖上黨 吳越王錢鏐之巡湖

州也聞沈行思爲巡檢使與盛師友俱歸行思謂同列陳瓌曰王

若以師友爲刺史何以處我時瓌已得鏐密旨遣行思詣府

乃給之曰何不自詣王所論之行思從之既至數日瓌送其家

亦至行思以瓌賣已銜之及鏐自衣錦軍歸將吏迎謁行思取鏐

錢鏐自衣錦軍歸將吏迎謁行思取鏐

趙擊瓌殺之因詣鏐與師友論功論逐高奪左右樂欲刺師友眾

執之鏐斬行思以師友為婺州刺史是月蜀有麟見壁州十

一月己丑梁以甯國節度使同平章事王景仁充北而後行營都指

揮招討使潞州副招討使韓勣副之以李思安為先鋒將趣上黨

尋遣景仁等屯魏州意有累節定楊師厚還陝蜀主王建更太

子宗懿名曰元坦庚戌立假子宗裕為通王宗範為襄王宗鑑為

昌王宗壽為嘉王宗翰為集王立其子宗仁為普王宗略為雅王

宗紀為襄王宗智為榮王宗澤為興王宗鼎為彭王宗傑為信王

宗衍為鄭王初唐末宦官典兵者多養軍中壯士為子以自強由

是諸將亦倣之而蜀主尤多惟宗懿等九人及宗特宗平真其子

宗裕宗鑑宗壽皆其族人宗翰姓孟蜀主之姊子宗範姓張其母

周氏爲蜀主妾自餘假子百二十人皆功臣雖冒姓連名而不禁

婚姻 梁主是疾小愈辛亥校獵於伊洛之間 梁主是疑趙王

王鎔貳于晉 因晉使在館食之 且欲因鄴王紹威卒除移鎮定會燕王璽

守光發兵屯涑水欲侵定州梁主遣供奉官杜廷隱丁延徽監魏

博兵二千分屯深冀 唐末置東頭供奉官西頭供奉官後皆爲西班寄祿 聲言恐燕兵南寇

助趙守禦又云分兵就食趙將石公立戍深州白鎔請拒之鎔遽

命開門移公立於外以避之公立出門 出深州城門 指城而泣曰朱氏

滅唐社稷三尺童子知其爲人而我王猶恃姻好以長者期之 鎔子

昭祥娶梁女見二百六十二卷唐昭宗光化三年 此所謂開門揖盜者也惜乎此城之人

今爲虜矣梁人有亡奔真定以其謀告鎔者鎔大懼又不敢先自

絕但遣使詣洛陽訴稱燕兵已還與定州講和如故 定州謂義武節度使王處

也直深冀民見魏博兵入奔走驚駭乞召兵還梁主遣使詣冀定慰

諭之未幾廷隱等閉門盡殺趙成兵乘城拒守鎔始命石公立攻

之不克乃遣使求援于燕晉鎔使者至晉陽義武節度使王處直

使者亦至欲共推晉王爲盟主合兵攻梁晉王李存勖會將佐謀

之皆曰鎔久臣朱溫唐昭宗光化三年王鎔服於朱全忠及其受禪遂臣事之歲輸重賂結以

昏姻其交深矣此必詐也宜徐觀之晉王曰彼亦擇利害而爲之

耳王氏在唐世猶或臣或叛謂王武俊承宗及主庭湊也況何終爲朱氏之臣

乎彼朱溫之女何如壽安公主王鎔曾訓元逵尚唐終王悟女壽安公主今救死不贍

何顧昏姻我若疑而不救正墮朱氏計中宜趣發兵赴之晉趙叶

力破梁必矣乃發兵遣周德威將之出井陘屯趙州鎔使者至幽

州燕王守光方獵募僚孫鶴馳詣野謂守光曰趙人來乞師此天

欲成王之功業也守光曰何故對曰比常患其與朱溫膠固溫之

志非盡吞河朔不已今彼自爲讎敵王若與之并力破梁則鎮定

皆斂衽而朝燕矣鎮王鎔定王處直王不罕出帥但恐晉人先我矣守光

曰王鎔數負約今使之與梁自相弊吾可以坐承其利又何救焉

趙使者交錯於路守光竟不爲出兵自是鎮定復稱唐天祐年號

復以武順爲成德軍鎮定臣梁稱開平年號避梁廟諱改武順軍爲武順軍今既與梁猜阻故年號軍號皆復

唐之舊梁司天言來月太陰虧不利宿兵於外梁主召王景仁等還

洛陽十二月己未梁主聞趙與晉合晉兵已屯趙州乃命王景仁

等將兵擊之庚申景仁等自河陽度河會羅周翰兵合四萬軍於

邢洺虔州刺史盧光稠疾病欲以位授譚全播譚全播與盧光

全播不受光稠卒其子韶州刺史延昌來奔喪全播立而事之吳

遣使拜延昌虔州刺史延昌受之亦因楚王馬殷密通表於梁曰

我受淮南官以緩其謀耳必為朝廷經略江西

盧延昌此書欲得淮南旌節耳丙寅梁以延昌為鎮南節度使延昌表其將廖爽為韶州刺史爽贛人也吳淮南節度判官殷可求請置制置使於新淦縣唐屬吉州九

城志在虔州北六百里宋

白已縣南有子湓山因名

遣兵戍之以圖虔州每更代輒潛益其

兵虔人不之覺也

為淮南許虔州張本

庚午蜀以御史中丞周庠戶部侍郎判度支庠傳素竝為中書侍郎同平章事

梁太常卿李燕等

刊定律令格式癸酉行之

按五代會要新明定令三十卷式二十卷格一十卷律并目錄一十三卷律疏三十卷共一百三卷自為大梁制定格式律令頒下施行

丁丑梁王景仁等進軍柏鄉

辛巳蜀大赦改明年元曰永平

趙王王鎔復告急於晉王景仁等之軍侵蜀

故復晉王李存勳以蕃漢副總管李存審守晉陽自將兵自贊皇

告急

東下

賈皇縣以山得名宋白曰賈皇水漢鄆縣地隋開皇六年置賈皇縣縣南有賈皇山四名按九城志宋廢賈皇縣爲鎮屬

高邑縣高邑縣在趙

州西南四十二里

王處直遣將將兵五千以從辛巳晉王至趙

州與周德威合獲梁芻蕘者二百人問之曰初發洛陽梁主有何

號令對曰梁主戒上將云鎮州反賈終爲子孫之患今悉以精兵

付汝鎮州雖以鐵爲城必爲我取之晉王命送於趙壬午晉王進

軍距柏鄉三十里遣周德威等以胡騎迫梁營挑戰梁兵不出癸

未復進距柏鄉五里營於野河之北又遣胡騎迫梁營馳射且詬

之梁將韓勅等將步騎三萬分三道追之鎧冑皆被繒綺鏤金銀

光彩炫耀晉人望之奪氣周德威謂李存璋曰梁人志不在戰徒

欲耀兵耳不挫其銳則吾軍不振乃徇於軍曰彼皆汴州天武軍

五代會要曰開平元年四月改左右長直爲左右龍虎軍左右內

高爲左右羽林軍左右堅銳夾馬突將爲左右神武軍左右親禁

軍將馬軍爲左右龍驤軍其年九月置左有天興左右廣勝軍仍以親王爲軍使二月置左右神捷軍十二月改左右天武爲左右龍虎軍左右龍虎爲左右天武軍左右天威爲左右羽林軍左右羽林軍爲左右天威軍左右英武爲左右神武軍左右神武爲左右英武軍前朝置神虎等六軍謂之衛士至是以天武天威英武等六軍易其軍號而任勳舊焉 署酤傭販之徒耳衣鎧雖鮮十不能當汝一擒獲一夫足以自富此乃奇貨不

可失也德威自引千餘精騎擊其兩端

陳有厚薄中軍堅厚不可衝擊其兩端以其薄也

左右馳突出入數四俘獲百餘人且戰且卻距野河而止梁兵亦

退德威言於晉王曰賊勢甚盛宜按兵以待其衰王曰吾孤軍遠

來救人之急三鎮烏合利於速戰

鎮定河東是爲三鎮

公乃欲按兵持重何

也德威曰鎮定之兵長於守城短於野戰且吾所恃者騎兵利於

平原廣野可以馳突今歷賊壘門騎無所展其足且眾寡不敵使

彼知吾虛實則事危矣王不悅退臥帳中諸將莫敢言德威往見

張承業曰大王驟勝而輕敵謂夾寨之勝也不量方面務速戰今去賊咫尺所限一水耳

謂野河之水也

彼若造橋以薄我我眾立盡矣不若退軍

高邑

高邑漢鄆縣光武更名高邑唐屬道州九城志在州西南四十二里在柏鄉北三十餘里

誘賊離營彼出

則歸彼歸則出別以輕騎掠其饋餉不過踰月破之必矣承業入

寨帳撫王曰此豈王安寢時耶周德威老將知兵其言不可忽也

王蹶然興曰子方思之時梁兵閉壘不出有降者詰之曰景仁方

多造浮橋王謂德威曰果如公言是日拔營退保高邑 辰州蠻

酋宋鄰澈州蠻酋潘金盛恃其所居深險數擾楚邊至是鄰寇湘

鄉宋白曰秦置黔中郡於今沅陵縣西二十里漢改黔中郡為武陵郡建武二十五年宗均受羣蠻降置辰陽縣舊為辰州因辰

溪為名唐貞觀八年分辰州龍標縣置巫州天授三年改沅州大

歷五年改澈州唐武德四年分衡山道湘鄉縣屬潭州九城志在

州西南一百五十五

星楚書作潘全盛

金盛寇武岡宋白曰晉武帝分都梁立武岡縣今岡東五十里有漢都梁故

城是也後漢武陵蠻爲漢所伐來保此崗故謂之武岡郡國志云武岡縣接武安州以得名 楚王馬殷遣昭州

刺史呂師周將衡山兵五千討之考異曰湖湘故事呂師周斬潘

辰州宋郭穀州昌師益一時 甯遠節度使龐巨昭高州防禦使

劉昌魯皆唐官也黃巢之寇嶺南也巨昭爲容管觀察使昌魯爲

高州刺史帥羣蠻據險以拒之巢不敢入境唐嘉其功置甯遠

軍於容州以巨昭爲節度使按通鑑唐昭宗乾甯四年置甯遠軍

使考之新書方鎮表容州置節鎮亦 以昌魯爲高州防禦使及劉

隱據嶺南二州不從隱遣弟嚴攻高州昌魯大破之又攻容州亦

不克昌魯自度終非隱敵是歲致書請自歸於楚楚王馬殷大喜

遣橫州刺史姚彥章將兵迎之彥章至容州裨將莫彥昭說巨昭

曰湖南兵遠來疲乏宜撤儲侍棄城潛於山谷以待之彼必入城

我以全軍掩之彼外無繼援可擒也巨昭曰馬氏方興今雖勝之

後將何如不若具牛酒迎之彥昭不從巨昭殺之舉州迎降

考異曰

湘故事龐巨昭本唐末邕容等州防禦使聞馬氏令公以征南步軍指揮何子瓊知桂州軍事領兵士收服嶺外昭梧象柳宜蒙賀杜等州巨昭聞此雄勢謂諸首領曰李瓊有破竹之勢若長驅兵馬此來侵吞吾境其將奈何時容南指揮使莫彥昭對曰李瓊兵馬其勢已雄必然輕敵今欲燒燬城內軍儲且各入山固他州城與李瓊候繼入州卻依前出諸山峒兵士復攻之堅守旬月之閒城內必無軍糧外無救應方可制造攻具再攻擊之必取勝也龐巨昭曰吾每至中宵獨占氣象馬氏合當五十餘年興霸湖外荷其第明日以其故密走事宣於湖南又曰天復末甲子十有二月容南龐巨昭深慮廣南劉巖不道加害於己遂策小吏聞路密持書款歸於馬氏是時湖南遣惠州刺史姚彥章領馬步軍八千徑往容南巨昭遂帥萬餘眾歸於馬氏又曰高州防禦使劉昌魯以廣南先主劉巖欲并吞嶺外數召昌魯欲籍沒其家族昌魯知之乃刺血寫書投馬氏具述懇急湖南遂遣捉生指揮使張可求詔轄兵馬於界首應接一行三千餘口歸於馬氏今從十餘載年彥章進至高州

九域志容州東南至高州二百八十二里

以兵拔送巨昭昌魯之族及

士卒千餘人歸長沙楚王殷以彥章知容州事

為姓彥章不能以守容州張本

昌魯為永順節度副使

馬殷并朗州奏改武貞軍為永順軍

昌魯鄴人也

辛酉歲吳興唐天祐八年梁乾化元年蜀永平

春正月丙戌朔日

有食之

柏鄉比不儲芻

比近也言近時起人不儲芻於柏鄉蓋亦虞梁兵之至以資敵也

梁兵

刈芻自給晉人日以游軍抄之梁兵不出周德威使胡騎環營馳

射而詬之梁兵疑其伏愈不敢出剉屋茅坐席以飼馬馬多死丁

亥周德威與別將史建瑋李嗣源將精騎三千壓梁壘門而詬之

王景仁韓勅怒恐眾而出德威等轉戰至高邑南李存璋以步兵

陳於野河之上梁軍橫亙數里競前奪橋鎮定步兵禦之勢不能

支晉王季存勳謂匡衛都指揮使李建及曰賊過橋則不可復制

矣建及選卒二百援槍大譟力戰卻之建及許州人姓王李罕之

之假子也

晉史李建及本姓王少事李平之光祿中平之選部下驍勇百人以獻李克用建及在籍中後以功賜姓名

晉王登高邱以望曰梁兵爭進而歸我兵蹙而靜我必勝戰自己

至午勝負未決晉王謂周德威曰兩軍已合勢不可離我之興亡

在此一舉我爲公先登公可繼之德威叩馬而諫曰觀梁兵之勢

可以勞逸制之未易以力勝也彼去營三十餘里雖挾糗糧亦不

暇食日昃之後飢渴內迫矢刃外交

昃日昃也

士卒勞倦必有退志當

是時我以精騎乘之必大捷於今未可也王乃止時魏滑之兵陳

於東宋汴之兵陳於西至哺梁軍未食士無鬪志景仁等引兵稍

卻周德威疾呼曰梁兵走矣晉兵大譟爭進魏滑兵先退李嗣源

帥眾譟於西陳之前曰東陳已走爾何久留梁兵互相驚怖遂大

潰李存璋引步兵乘之呼曰梁人亦吾人也父兄子弟餉軍者勿

殺於是戰士悉解甲投兵而棄之驚聲動天地趙人以深冀之憾

不顧剽掠賊梁遣杜延恩等但奮白刃追之梁之龍驤神捷精兵

殆盡薛史本紀開成二年以尹自野河至柏鄉僵尸蔽地王景仁

韓勅李思安以數十騎走晉兵夜至柏鄉梁兵已去棄糧食資財

器械不可勝計凡斬首二萬級李嗣源等追奔至邢州北城志自

至邢州一百五十餘里河朔大震梁保義節度使王檀嚴備然後開城納敗

卒給以資糧散遣歸本道晉王收兵屯趙州杜廷隱等聞梁兵敗

棄深冀而去悉驅二州丁壯為奴婢老弱者阮之城中存者壞垣

而已癸巳梁復以楊師厚為北面都招討使將兵屯河陽收集散

兵旬餘得萬人己亥晉王遣周德威史建瑭將三千騎趣滑魏張

承業李存璋以步兵攻邢州自以大軍繼之移檄河北州縣諭以

利害策主晃遣別將徐仁溥將兵千人自西山夜入邢州

西山即太行道

延至上助王檀城守己酉罷王景仁招討使落平章事蜀主王

建之女普慈公主嫁岐王李茂貞從子秦州節度使繼崇

蜀主以武梁郡

名封其女宋白曰繁武梁公主遣宦者宋光嗣以絹書遺蜀主言

繼崇驕矜嗜酒求歸成都蜀主召公主歸甯辛亥公主至成都蜀

主贈之以宋光嗣為問門南院使岐王怱始與蜀絕

為蜀伐岐張本

光嗣

福州人也 楚將呂師周引兵攀藤緣崖入飛山洞襲潘金盛擒

送武岡斬之移兵攻宋艷

飛山在今靖州北十五里北諸山為最高峻四面絕壁千仞巖山有深壑其遺

址尚存二月己未晉王季存勳至魏州攻之不克梁主晃以羅周

翰年少且忌其舊將佐

謂羅紹威之元從將佐也

庚申以戶部尚書李振為天

雄節度副使命杜廷隱將兵千人衛之自楊劉濟河閒道夜入魏

州助周翰城守癸亥晉王觀河於黎陽梁兵萬餘將度河聞晉王

至皆棄舟而去 梁主昱召蔡州刺史張慎思至洛陽久未除代

蔡州右廂指揮使劉行琮作亂縱兵焚掠將奔淮南順化指揮使

王存儼誅行琮撫遏其眾自領州事以眾情馳奏時東京留守傅

王友文不先請遽發兵討之兵至鄆陵九域志鄆陵縣在大梁東南一百六十里梁主

曰存儼方懼苦臨之以兵則飛去矣馳使召還甲子授存儼權知

蔡州事 乙丑晉周德威自臨清攻貝州拔夏津高唐夏津本古縣唐天

寶元年更名夏津屬貝州九域志在魏州東北二百五十里 攻博州拔東武朝城漢東郡東武朝縣後魏曰

武陽唐開元七年更名朝城屬魏州故朝城縣管內 猶有地名東武九域志朝城在魏州東南八十里 攻澶州刺史

張可臻棄城走梁主昱斬之德威進攻黎陽拔臨河淇門逼衛州

掠新鄉其城隋分汲獲嘉二縣地於古新樂城置新鄉縣其城漢其縣地唐志屬衛州九域志其城在州西北五十五

里庚午梁主帥親軍車白司馬阪以備之

梁主選富家子有才力者置帳下號應子部

居正曰太祖置應子部最為親軍自司馬阪在洛陽城北

盧龍義昌節度使兼中書令燕王

劉守光既克滄州

去年正月克滄州

自謂得天助淫虐滋甚每刑人必置

諸鐵籠以火逼之又為鐵刷刷人面聞梁兵敗於柏鄉使人謂趙

王王鎔及王處直曰聞二鎮與晉王破梁兵舉軍南下僕亦有精

騎三出欲自將之為諸公啟行然四鎮連兵必有盟主僕若至彼

何以處之

四鎮謂并幽鎮定

鎔患之遣使告於晉王晉王季存勸笑曰趙

人告急守光不能出一卒以救之及吾成功乃復欲以兵威離間

二鎮愚莫甚焉諸將曰雲代與燕接境彼若擾我城成動搖人情

吾千里出征緩急難應此亦腹心之患也不若先取守光然後可

以專意南討王曰善會梁將楊師厚自磁相引兵救邢魏王申晉

王解魏州圍而去師厚追之逾漳水而還邢州圍亦解師厚留屯

魏州趙王鎔自來謁晉王於趙州九域志鎮州南至趙州九十五里大犒將士自

是遣其養子德明將三十七都常從晉王征討德明本姓張名文

禮燕人也爲劉守恭牙將仁恭使從其子守文鎮滄州守文詣幽

州省其父文囑於後據城作亂滄人討之奔鎮州文禮好誇誕自

言知兵鎔奇之養以爲子更名德明悉以軍事委之張文禮後遂殺王鎔而亂

鎮州壬午晉王發趙州歸晉陽周德威等將二千人戍趙州

資治通鑑補卷一百六十七終